

玉海



040

1000:56

34864

玉海卷第一百三十八

浚儀王應麟伯厚甫

兵制

兵制三

唐十六衛

隋十二衛

兵志

乘隋書

隋十二衛曰翊衛曰驍騎衛曰武衛曰屯

衛曰禦衛曰候衛爲左右皆有將軍以分統諸府之

兵

每衛各置長史錄事參軍司倉兵騎鎧甲等參軍員軍人總名衛士

又改領左右府

爲左右備身府左右監門依舊名凡十六府

唐會要

二衛而監門千牛附列于末隋制而損益武德以來廢革不一

唐因

大將軍各一人

將軍總三十人

唐志十一人

屬官一百八十八人

唐志十一人

置宇分部夾峙禁省分領府兵左右領衛六十府餘五十至四十以三衛待資廩總四千九百六十三人以折衝儲軍伍凡六百三十四府而十六衛以總府衛之番上者臺省軍衛文武參掌左右衛

百官志

左右衛

每衛各有左右

上將軍各一人從二品大將軍各二

人正三品將軍各三人從三品掌宮禁宿衛凡五府

及外府皆總制焉凡五府三衛及折衝府驍騎番上者受其名簿而配以職皇帝御正殿則守諸門及內

廂宿衛仗

魏末晉文王罽中衛武帝分爲左右

張延師王孝傑楊恭仁李大亮薛訥

薛嵩、薛徽、蔣儼、薛平、草湊、王思禮、裴行儉、裴行佺、

以禮書檢校右衛李人亮左衛兼工書每行夜自當

丙夜張仁愿左衛同三品文、武參用或兼於大業

庶子禮部尚書 職任專久、張延師薛平三十年

史那忠四十八年左衛長史郭子儀、常湊遷右

衛大將軍元宗謂曰、故事諸衛大將軍與尚書更為

之近職輕故用卿以重此官、太宗紀武德四年堯

加號天策上將五年加拜左右十二衛大將軍、

衛掌同左右衛凡翊府之翊衛外府豹騎番上者分

配之凡分兵守諸門、在皇城四面宮城內外則與左

右衛分知助鋪、漢李廣為驍騎將軍光武改屯騎為

驍衛、段志玄、柴紹、郭孝恪、阿史那忠、程名

振、長孫順德、劉師立、張公謹、李聽、郭元振、武衛掌

同左右衛凡翊府之翊衛外府熊渠番上者分配之、

魏武有武衛營、魏新褚遷武衛中郎將、自此始、隋採
諸武之名置、秦張仁愿程知節、神通薛仁貴、蘇
萬曆丁亥年、監生于良翰刊

定方葦威衛掌同左右衛凡翊府之翊衛外府羽林

番上者分配之凡分兵主守則知皇城東面助鋪屯衛

後改威衛隋初置姜行本薛萬均竇宗阿史那忠威衛尚可孤孫仁師右王忠嗣左

領軍衛掌同左右衛凡翊府之翊衛外府射聲番上

者分配之凡分兵主守則知皇城西南助鋪及京城

苑城諸門魏武置中領軍曹休為之文帝置領軍晉紀瞻陶回為領軍將軍李湛程知節龐

王張平高栢良器竇誣執金吾衛掌官中京城巡警

烽候道路水草之宜凡翊府之翊衛及外府仗飛番

上皆屬焉師田則執左右營之禁南衙宿衛官將軍

以下及千牛番上者皆配以職漢以中尉為執金吾

兵制

祐萬福唐休璟薛平董晉趙道興渾瑊裴諤范希朝
李德裕李福馬璘曲環高崇文田布辛京果王忠嗣
李元殿馮龜鶚冠魚服良家茂族厲禁非宜金吾令
之號傳銀檠之符夜警金吾之漏

監門衛掌諸門禁衛及門籍文武官九品以上每月

送籍於引駕仗及監門衛以帳報內門凡朝參奏事

待詔官及繖扇儀仗出入者閱其數以物貨器用入

宮者有籍有傍

漢城門校尉隋置府

千牛衛掌侍衛

及供御兵仗以千牛備身左右執弓箭宿衛以主仗

守戎器朝日領備身左右升殿列侍親射則率屬以

從

隋志備身十二人掌執千牛刀備身左右十二人

掌供御弓箭

宋有千牛刀卽防身刀也後魏有

備身掌御刀

實希城王及善同皎及善傳除右

千牛衛將軍帝曰以爾忠謹故擢二品要職羣臣非

康熙二十六年刊

卷之三十三

三

搜辟不得朕亦知此官貴乎武德五年改左右翊衛曰左右衛府

李光弼起家左衛親府左郎將左右驍騎衛曰驍騎府左右屯衛曰

左右威衛左右禦衛曰領軍衛左右備身府曰左右

府唯左右武衛府左右監門府左右候衛會要作武候門仍

隋不改丘和竇抗鄭元壽為左武候大將軍劉師立尉遲敬德丘行恭為右武候顯慶五

年改左右府曰左右千牛府龍朔二年二月四日左右衛

府驍騎府武衛府皆省府字左右威衛曰左右武威

衛左右領軍衛曰左右戎衛左右候衛曰左右金吾

衛左右監門府曰左右監門衛左右千牛府曰左右

奉宸衛郭震奉宸監丞後復曰左右千牛衛咸亨元年改左

方戎衛曰領軍衛武后光宅元年改左右驍騎曰左

右武威左右武衛曰左右鷹揚衛

神龍元年復左右

威衛曰左右豹韜

神龍復

左右領軍衛曰左右玉鈐

神龍復

貞元二年

九月丁亥

初置十六衛上將軍

以寵左

右衛以下皆有長史錄事倉曹兵曹騎曹冑曹司階

中候司戈執戟長上

會要司階中候司戈執戟並天授二年四月五日置

通典縣

符武威領軍並神龍元年置

又有奉車駙馬二都尉

六典凡兵

士隸衛各有其名左右衛兵曰驍騎武安等五十府

隸之威騎兵曰羽林宜陽等五十府隸之驍騎兵曰

豹騎永固等四十九府隸之武衛兵曰熊渠鳳亭等

四十九府隸之領軍衛兵曰射聲萬年萬敵等六十

府隸之金吾衛兵曰伏飛

六典伏飛六十六人

同軌寶圖等五

十府隸之太子衛率兵曰射乘廣濟等五府隸之司

禦兵率曰旅賁郊城等三府隸之清道率兵曰直盪

絳邑等三府隸之自兩漢至北齊大將軍位視三公

隋十二衛大將軍直爲武職位省臺之下衛事各立

名簿定優劣爲三等每年正月十日送府錄一通送

衛儀衛志衛內五衛黃麾仗左右廂各十二部十

二行杜牧作原十六衛云國家始踵隋制開十六

衛將軍總三十員屬官總百二十八員創宇分部夾

時禁省厥初歷今未始替削然自今觀之設官言無
謂者其十六衛乎本原事跡其實天下之大命也始

自貞觀中既武遂文內以十六衛蓄養戎臣

襄公郭公之徒

並爲諸衛將軍

外開折衝果毅府五百七十四以儲兵伍或

有不幸方二三千裏爲寇上數十百萬人爲寇兵蠻

夷戎狄踐踏四作此時戎臣當提兵居外至如天下

平一暴勃消制軍車一符將命四走莫不信順此時

戎臣當提兵居內當其居內也官爲將軍綬有朱紫

章有金銀千百騎趨奉朝廟第觀車馬歌兒舞女念

功賞勞出於曲賜所部之兵散舍諸府上府不越千

二百人

凡有四百四十萬人

三時耕稼襁褓耒一時治

武騎劍兵矢禪衛以謀父兄相言不得業他籍藏將
府伍散田畝力解勢破人人自愛雖有蚩尤爲帥雅
亦不可使爲亂耳及其當居外也緣部之兵被檄乃
來受命於朝不見妻子斧鉞在前爵賞在後以首爭
首以力搏力飄暴交捽豈假異畧雖有蚩尤爲帥雅
亦不能爲叛也自貞觀至于開元末百三十年間戎
臣兵伍未始逆篡此聖人所以柄統輕重制障表裏
聖筭神術也

唐五府

三衛

仗內五衛

官志親衛之府一曰親府勳衛之府二曰勳一府曰

勳二府翊衛之府二一曰翊一府二曰翊二府凡五

府三衛總四千九百六十三人元和六年八月每府中

郎將左右郎將各一人郎將李適之左衛張儉右衛

良器左武衛薛仁貴程務挺右領軍安金藏右武衛

玄宗時闔用之遷右衛郎將知引駕仗金吾將軍

李質升殿不解刀呵却之始有司以三衛執扇登殿

用之奏三衛皆趨憚不宜升陞近御座請以宦者代

遂爲兵曹參軍事各一人校尉各五人每校尉有旅

帥二人每旅帥各有隊正副隊正各二十八五府中

郎將掌領校尉旅帥親衛勳衛之屬宿衛者總其府

事左右郎將貳焉番上者以名簿上于大將軍而配

以職武德貞觀世重資蔭二品三品子補親衛二品
會孫三品孫四品子職事官五品子若孫勳官三品
以上有封及國公子補勳衛及率府親衛四品孫五
品及上柱國子補翊衛及率府勳衛勳官二品及縣
男以上子若孫補諸衛及率府翊衛六典又次爲親
王府執仗執乘
每月番上者數千人宿衛內廡及城門給廩食執扇
三衛三百人殿中省肄習其後入官路艱三衛非權
勢子弟輒退番柱國子有白首不得進者流外雖鄙
不數年給祿廩故三衛益賤人罕趨之貴胃華族周
旋帝所如周
庶子如大和五年三月停資蔭注唐親衛勳衛置

漢郎衛

騎將軍車騎將軍翊衛置車騎將軍武德七年改驃

騎爲中郎將車騎將軍皆爲郎將分左右以親衛曰

一府勳衛翊衛曰二府謂之三府衛高祖授李安遠右翊衛統軍

桓彥範以門蔭補右翊衛遷司衛主簿李光弼起家左衛親府左郎將劉師立爲左親衛長孫順

德劉弘基仕隋爲右勳衛姜寶誼在隋爲左翊衛賈靜親衛諸衛翊衛及率府

親勳衛亦曰三衛三衛左右衛總五府長史判五府稟祿卒伍之名數舍曹掌五府文

官勳考兵曹掌五府武官宿衛番第受其名數金吾引駕仗一衛六十人東宮亦有親

勳翊三府中郎將郎將掌宿衛之事六典左右衛

親勳翊及左右率府親勳翊及諸衛之翊衛通謂之

三衛擇其資蔭凡左右衛之三衛分爲五仗曰親仗

供奉仗勳仗翊仗散手仗考功郎中親勳翊衛以行

能功過為三等每月各配六十人而上下焉周官伯掌王宮

之士庶子非王族則功臣之世漢以郎執戟宿衛唐分三衛五府儀衛志凡朝會

之仗三衛番上分為五仗號衙內五衛每月以四十

六人立內廊閣外號曰內仗會要永徽六年褚遂

良請千牛不簡嫡庶左千牛韋待價左千牛備身崔知溫右千牛韋武王方翼

開元一十九年閏四月勅京畿采訪使中丞張倚兼

簡三衛廣騎大和四年五月兵部停奏資蔭三衛

唐十率府 左右率 司禦率 清道率

監門率 內率府 晉五率

官志詹事府掌統三寺十率府之政太子左右率府
率各一人副率各二人掌兵仗儀衛凡諸曹及三府
外府皆隸焉元日冬至皇太子朝宮臣諸方使則率
衛府之屬爲衛每月三府三衛及五府超乘番上者
配以職長史季秋以屬官功狀上於率而爲考課武
德五年改左右侍率曰左右衛率府左右武侍衛率
曰左右宗衛率府左右宮門將曰左右監門率府龍
朔二年改左右衛率府曰左右典戎衛左右宗衛率
府曰左右司禦率府左右虞候率府曰左右清道衛
左右內率府曰左右奉禘衛左右監門率府曰左右

崇掖衛武后垂拱中改左右監門率府曰左右鶴禁
衛神龍元年改左右司禦率府曰左右宗衛府左右
清道衛曰左右虞候率府景雲二年左右宗衛府復
曰左右司禦率府開元初左右虞候率復曰左右清
道率府其屬有長史錄事倉曹兵曹胄曹騎曹參軍
事司階中候司戈執戟散長上

又見東宮類

左右率

府親勳翊府中郎將各一人

從四品上

左右郎將各

一人

正五品下

掌其府校尉旅帥及親勳翊衛之屬

以宿衛而總其府事兵曹參軍一人大朝會及出入
則從鹵簿泣其儀太子左右司禦率府率副率之同

左右衛凡諸曹及外府旅賁番上者隸焉太子左右清道率府率副率掌晝夜巡警凡諸曹及外府直盪番上者隸焉皇太子出入則以清游隊先導後拒隊爲殿太子左右監門率府率副率掌諸門禁衛凡財物器用出者有籍太子左右內率府率副率掌千牛供奉之事皇太子坐日領千牛升殿射于射宮則千牛奉弓矢立率奉弓副率奉矢決拾以進旣射左內率啓其中否

漢詹事屬官有太子衛率東漢爲少傅屬官主門衛士晉初曰中衛率泰始五年分爲左右二率各領一

軍

潘尼釋奠頌
三率備衛

惠帝加前後一率故元康中凡四衛

率成都王爲太弟又置中衛率是爲五率江左省前
後二率太元中又置梁左衛率領七營右衛率領四
營隋文帝始分置十府

唐府兵 符契 折衝府 十二軍

兵志古者兵法起於井田周衰王制不復惟唐立府
兵之制始一寓之於農唐二百餘年兵大勢三變始
盛時有府兵府兵後廢而爲彍騎彍騎廢而方鎮之
兵盛其末也強臣捍將兵布天下而天子亦自置兵
於京師曰禁軍府兵之制起自西魏後周而備於隋

北史周文置十二軍簡諸將領之通監唐興因之

隋大業二年增改左右翊衛等爲十六府

隋制十二衛曰翊衛曰驍騎衛曰武衛曰屯衛曰禦

衛曰候衛分爲左右皆有將軍以分統諸府之兵府

有郎將副郎將坊主團主以相統治又有驃騎車騎

二府皆有將軍隋文開皇中置後更驃騎曰鷹揚郎將車騎

曰副郎將煬帝大業二年改別置折衝果毅自高祖初起開

大將軍府發太原有兵三萬人及諸起義以相屬與

降群盜得兵二十萬武德初始置軍府元年五月改

爲軍頭六月十九日改軍頭爲驃騎將軍副爲車騎

將軍九月乙巳始置軍府段志玄以多授樂游府車

軍以驃騎車騎兩將軍府領之析閔中爲十二道

康熙二十六年刊

曰萬年道長安道雷平道醴泉道同州道華州道寧

州道岐州道邠州道麟州道涇州道宜州道皆置府

分關內諸府統之

二年五月

三年七月十一日

十六日車騎將軍府隸驃騎府舊紀七月壬申

更以萬年道爲參旗軍

軍名傳奔所造取象天官

長安道爲鼓旗

軍富平道爲玄戈軍醴泉道爲莽鉞軍同州道爲羽

林軍華州道爲騎官軍寧州道爲折威軍岐州道爲

平道軍邠州道爲招搖軍西麟道爲苑游軍涇州道

爲天紀軍宜州道爲天節軍軍置將副各一人以督

耕戰以車騎府統之六年二月十四日以天下旣定廢十

二軍

七政二月六月

改驃騎曰統軍車騎曰別將

會要曰

居

歲餘十二軍復

以突厥爲患八年五月辛亥復置

軍置將軍一人

會要

三月六日以太常卿竇誕等爲將軍

軍有坊置主一人以檢察戶口勸

課農桑太宗貞觀十年更號統軍爲折衝都尉別將

爲果毅都尉諸府總曰折衝府凡天下十道置府六

百三十四皆有各號而關內二百六十有一皆以隸

諸衛

官志垂拱中云云赤縣爲赤府畿縣爲畿府

凡府三等兵千二百人

爲上千人爲中八百人爲下府置折衝都尉一人左

右果毅都尉各一人長史兵曹別將各一人校尉六

人

折衝都尉段秀實綏德府

果毅都尉屈突

郭

人

崔開湯府

折衝都尉崔寧邢君牙

果毅別將

人

果毅王忠嗣

東陽郭知運秦州三度張守珪

薛仁貴雲泉哥舒翰效聲

唐

貞觀二十六年刊

卷之三十一

二

王方翼朔州尚德韋待價盧龍王仁皎楊朝晟甘泉
官志永徽中廢長史置司馬

一人總司兵司騎二局聖曆
士以三百人爲團團有
三年廢司馬置長史兵曹

控尉五十人爲隊隊有正十人爲火火有長火備六

馱馬初置八馱後改爲六凡火具烏布幕鐵馬孟布槽錘鑊鑿

碓筐斧鉗鋸皆一甲牀二鎌三隊具火鑕一膏馬繩

二首羈足絆皆三人具弓一矢三十胡祿橫刀礪石

大鵬羶帽羶裝行滕皆一麥飯九斗米二斗皆自備

并其介冑戎具藏於庫有所征行則視其出入而給

之其番上宿衛者惟給弓矢橫刀而已凡民年二十

爲兵六十而免其能騎而射者爲越騎其餘爲步兵

騎排積手步射每歲季冬折衝都尉率五校兵
之在府者置左右二校尉位相距百步每校爲步隊
十騎隊一皆卷稍幡展刃旗散立以俟角手吹大角
一通諸校皆歛人騎爲隊二通偃旗稍解幡三通旗
稍舉左右校擊鼓二校之人合譟而進右校擊鉦喙
少却左校進逐至右校立所左校擊鉦少却右校進
逐至左校立所右校復擊鉦隊還左校復薄戰皆擊
鉦隊各還大角復鳴一通皆卷幡攝矢弛弓匣刃二
通旗稍舉隊皆進三通左右校皆引還是日也因縱
獵獲各入其人其隸於衛也左右衛皆領六十府諸

衛領五十至四十其餘以隸東宮六率凡發府兵皆
下符契州刺史與折衝勘契乃發若全府發則折衝
都尉以下皆行不盡則果毅行少則別將行當給馬
者官與其直市之每匹與錢二萬五千刺史折衝果
毅歲閱不任戰事者鬻之以其錢更市不足則一府
共足之凡當宿衛者番上兵部以遠近給番五百里
爲五番千里七番一千五百里八番二千里十番外
爲十二番皆一月七若簡留直衛者五百里爲七番
千里八番二千五百里十番外爲十二番亦月上先天之

詔曰在者人皆備衛計戶充兵裁是周事二十

入募六十一出軍多憚勞以規避匿今宜取年二十

五以上五十而免屢征鎮者十年免之雖有其言而

事不克行玄宗開元六年始詔折衝府兵每六歲一

簡通監開元八年二月壬子敕以役莫重於軍府一
為衛士六十乃免宜促其歲限使百姓更迭為之

初府兵之置居無事時畊於野其番上者宿衛京師

而已若四方有事則命將以出事解輒罷兵散于府

將歸于朝故士不失業而將帥無握兵之重所以防

微杜漸絕禍亂之萌也番調有時教閱有法統御在
律團伍有籍兵雖有籍而

府實空將雖有名而權實去兵將在內及府法壞而

而京師實重制兵之術莫善於太宗舊紀七月十一日舊紀下

方鎮盛會要武德三年舊紀二年舊紀下

詔曰周置六軍舞習蒐狩漢增八校畢選驍勇今伊洛猶蕪江湖尚梗各因部校序其統屬改換鉦鐸創造徽章取象天官作其名號於是置十二衛將軍取威名素重者爲之分關內諸府隸焉

軍名傳奕所造

關內置府二百六十一精兵上二十六萬舉關中之衆以臨四方又置折衝府二百八十通給舊府六百三十三河東道府額亞於關中河北之地人多壯勇故不置府其諸道亦置每歲十一月以衛士帳上兵部天下衛士六十萬初置以成丁而入六十出役其家不免王徭遂漸迤散年月漸久宿衛之數不給開

元六年五月二十七日置折衝府每年一簡點一
年十一月二十日兵部尚書張說置長從宿衛兵十
萬於南衙十三年二月二十一日號曠騎十六年二
月二十五日壬辰改爲左右羽林騎天寶八載五月
九日癸酉停折衝府上下魚書以無兵可交至末年

折衝府但有兵額官吏而戎器馱馬銅幙糗糧並廢
寶應元年四月十七日畿縣折衝府缺官本縣令攝
判百官志三輔及近畿州都督府皆置府凡六百

三十三

通典其府多因其地各自爲名凡五百七

十四

理道要訣云唐折衝府五百九十二杜牧原
十六衛云外開折衝果毅府五百七十四上府

不越一千二百人五百七十四府凡有四十萬人
陸贄上疏太宗列置府兵八百所而關中五百舉天
下不敵關中則居
重馭輕之意也

六典凡天下之府五百九十有

四有上中下皆量其遠邇以定其番第
舊志同
今

以地理志攷之天下有府共五百六十六計七十五
郡關內十九郡有府二百七十三河東十五郡有府
百四十一河南河北十郡有府九十二河南六十二
河北三十山南十隴右二十九淮南六江南二劍南十
嶺南三除關內道餘九道有府二百九十三總而計
之止五百六十六參之兵志置府六百三十四之數
差互不齊官志又云六百三十三恐地理志所載猶

有缺遺

列傳鄭元璠爲參旗將軍令教諸

傅弈武德定十二軍號皆詔弈云

錢九

游將軍

劉弘基爲并鉞將軍督步騎萬人備塞

賀

魯傳詔梁建芳等發府兵三萬擊之

高宗紀貞觀

二十三年四月以羽檄發六府甲士四千衛入京師

唐關內置府十道置府

兵志

通監同

十道置府六百三十四皆有名號而關內

二百六十一皆以隸諸衛

百官志三輔及近畿州

都督府皆置府凡六百三十三

會要關內置府二

百六十一積兵止二十六萬舉關中之衆以臨四方

地理志太宗元年分天下爲十道關內道京兆府

雍州

有府百三十一其名存者十一真化至太清餘

皆逸華州有府二十普樂至懷仁同州有府二十六

濟北至效誠商州有府二洵水玉京鳳翔府岐州有

府十三岐山至山泉邠州有府十嘉陽至宜山右京

畿採訪使治京城隴州有府四大堆至臨沂涇州有

府六涇陽至仁賢原州有府二彭陽安善寧州有府

十一彭池至永寧慶州有府八龍息至永安鄜州有

府十一洛昌至安吉坊州有府五杏城至安臺并州

有府五宜城至長松延州有府七敦化至金明靈州

有府五武略至萬春鹽州有府一鹽川夏州有府二

寧朔順化綏州有府四伏洛至大斌古關內採訪使

按兵志關內置府二百六十一陸贄謂關中五百今以地理志攷之自京兆至綏州置府凡二百七十有三差互河南道河南府洛州有府三十九武定至軒

轅汝州有府四龍興至郟城陝州有府十五曹陽至

古亭號州有府四鼎湖至開方河東道河中府蒲州

有府三十三興樂至六軍晉州有府十五神山至仁

德絳州有府三十三新田至蒲邑慈州有府三件城

至平昌隰州有府六隰川至屈產太原府并州有府

十八興政至文谷汾州十二嘉善至清勝沁州二延

雙安樂遼州三遼城至龍城嵐州一嵐山石州二離
 石昌化忻州四秀容至定襄代州三五臺至鴈門潞
 州一戡黎澤州五丹川至白澗河北道懷州有府二
 丹水吳澤易州九遂城至龍水幽州十四呂平至咸
 寧平州一盧龍媯州二密雲白檀薊州二漁陽臨渠
 山南道江陵府荊州有府一羅含夔州一東陽襄州
 一漢津均州一至誠金州一洪義興元府梁州一麗
 水鳳州一歸昌成州一平陰扶州二安川會川隴右
 道秦州有府六成紀至長川渭州四渭源至萬年蘭
 州二金城廣武洮州一安西岷州三祐川至和政

州一長利宕州二同歸常吉涼州六明威至姑臧沙
州三龍勒至懸泉瓜州一大黃淮南道揚州有府四
江平至邗江和州一新川安州一義安江南道越州
有府一浦陽潭州一長沙劍南道成都府有府三威
遠至二江彭州二天水唐興蜀州三金堰至灌口漢
州一玉津邛州一興化嶺南道廣州有府二綏南番
萬貴州一龍山 六典凡關內團結兵京兆府六千
三百二十七人同州六千七百三十六人華州五千
二百二十三人蒲州二千七百三十五人選強壯免
征賦 舊史職官志兵部郎中凡左右金吾衛有角

手諸衛有弩手左右羽林軍有飛騎及左右萬騎曠
騎天下諸軍有健兒皆定其名籍每季上中書門下
凡關內有團結兵秦成岷渭河蘭六州有高麗羌兵
黎雅邛翼茂五州有鎮防團結兵

隋書開皇十年五月乙未詔曰魏末役車歲動未遑
休息權置坊府南征北伐居處無定朕甚愍之凡軍
人可悉屬州縣墾田籍帳一與民同軍府統領宜依

武罷山東河南及北方緣邊之地新置軍府

按李繁家

蘇綽初置府兵與此利害優劣殊不同蓋綽雖
民家而加以長征不歸未得盡行其說
乃前漢法葉氏曰未立府兵之前兵農
本未嘗相離可謂也唯好戰不息民失耕作無以

領則國貧而兵弱。字文蘇綽患其然。始令兵農各不相牽綴。既隸府額長征莫返。而居者晏然不知。此國富兵強。隋文因之。平一字內。徒以兵農判而為二。故也。豈必高祖太宗所以盛。乃遵舊法行之耳。

鄴侯家傳

鄴侯李泌也。

上訪及安危曰。朕欲復府兵之

制。如何對曰。初置府兵於西魏。大統中。周文帝與度

支尚書蘇綽之謀也。自三代之後。無與為比。雖戰國

之教。士武卒技擊。皆不及。時西魏之境。自陝而有。關

中。及隴。右河西而已。東魏河北河南三道。殷實富強。

而自襄鄧蜀漢。皆屬於梁。初置府。不滿百。每府有郎

將主之。而分屬二十四軍。每軍以開府一人將焉。每

二開府屬一大將軍。二大將軍屬一柱國。大將軍仍

加號持節大都督以統之時皇家太祖景皇帝李虎
為少師隴右行臺僕射隴西公與臣五代祖弼太保
大司徒趙郡公及太宗伯趙貴大司馬獨孤信大司
寇于謹大司空侯莫陳崇等六家主之是為六柱國
共有衆不滿五萬初置府兵而東魏霸相高歡大舉
來伐周太祖時為太丞相摠百揆太師冢宰奉魏帝
掃境內以敵之除守禦之師共有衆三萬戰于沙苑
臣五代祖為右軍以師七千伏漕曲歡大敗遂取東
魏河東汾絳之地後又得梁之蜀漢襄鄧及漢東周
受魏禪後竟平北齊滅梁於江陵破陳吳明徹於邗

薄陳氏所保江南而已初置府兵皆於六戶中等以上家有三丁者選材力一人免其身租庸調郡守農隙教試閱兵仗衣馱牛驢及糗糧旨蓄六家共備撫養訓導有如子弟故能寡尅衆隋受周禪九年而滅陳天下一統皆府兵之力也時晉王與楊素等凡十八人總管率師五十萬伐陳而臣五代祖衍與弟椿姪寬皆爲總管以平之後北破突厥西滅吐谷渾南取林邑東滅流求皆府兵也隋以府兵分隸於左右十二衛及東宮率府置衛大將軍一人將軍二人卽開府之任也而柱國爲勳官皇朝因之平定天下貞

觀中北滅突厥延陀列州府至瀚海西取龜茲等城
郭諸國置二庭盡臣西域君長滅吐渾已而復之降
羌党項爲三十六州高宗東滅高麗百濟遷其人於
中國列其地爲州縣以新羅爲雞林都督府以波斯
爲大疾陵都督府亦府兵也自置府兵未有能以之
外叛內侮及殺帥自擅者自廢以來名募長征健兒
而祿山得以爲亂至今不定復之爲便府兵之制史
冊不甚詳臣家自西魏以來代掌其任臣高祖仲威
從神堯入長安爲左屯衛將軍兼主太原從義之師
於龍首監總南北禁軍之任所以臣家備知上曰何

因廢之對曰初置府兵西魏周隋用之皆利及太宗
之時每府番上必引於殿庭親自教射加以賞賜由
是用之所向無敵自初屬六柱國家及分隸十二衛
皆選勲德信臣爲將軍有事則命總之出征故撫綏
訓練備至以取功名又太宗明於知人拔用諸番酋
渠執失思力契苾何力阿史那社爾等委瓜牙之任
皆爲名將不愧由余日磾時出征多不逾時遠不經
歲而能尅捷高宗始以劉仁軌爲洮河鎮守使以圖
吐蕃於是始屯軍於境而師老厭戰矣後以李敬玄
爲鄯城鎮守使而敗十八萬於大非川時承平旣久

諸衛將軍自武太之代多以外戚無能者及降虜處之而衛佐之官以爲番上府兵有權朝要子弟解褐及次任之美官又多不旋踵而據要津將軍畏其父兄之勢恣其所爲自置府以其番上宿衛禮之謂之侍官言侍衛天子也至是衛佐悉以借姻戚之家爲僮僕執役京師人相詆訾者卽呼爲侍官時關東富實人尤上氣乃耻之至有捩手足以避府兵者番上者貧羸受顧而來由是府兵始弱矣時人爲諺曰將軍大曠騎衛佐小郎官是也將宰相固爲衛佐下視矣玄宗時奚契丹兩番强盛數寇河北諸州不置

府兵番上以備兩蕃諸道共六百三十府上府管兵千二百次千下八百通計約六十八萬右左衛各領府六十餘衛領府自五十下至四十七東宮六率領多至六少至三而已隋謂之鷹揚府皇朝改爲折衝府折衝樽俎之間旋師衽席之上也改郎將爲都尉又置果毅都尉二人爲之副及別將一人全府召發則折衝都尉已下偕行不盡則果毅行少則別將行每發及皆下符契於本州及府刺史與折衝勘契而發之而給其食券至幕所期處驗其藝非精士不教習則罪其折衝甚則加罪州牧有功而回入塞便道

策勲加賞而罷之開元中玄宗將東封告成納裴光庭之策欲北幸太原揚師服狄而府兵寡弱張說爲相乃請下詔募士但取材力不問所從來旬月之間募者十三萬玄宗大悅遂以曠騎名後以左右神武軍與龍武羽林備六軍之數乃幸太原遣使告突厥京封名其大臣扈從自是府兵之闕漸不復補其戍邊者舊制三年而代後以勞於途路乃募能更佳三年者賜物二十段謂之名募遂令諸軍皆募謂之健兒開元末李林甫爲相又請諸軍召募長征健兒以息山東兵士於是不土著無家族之願將帥登一

賜之令而偏裨殺帥自擅之兆生矣。及河西節度牛
仙客為工部尚書同三品。於是邊將競効積財以求
恩矣。及哥舒翰攻石堡。發朔方河東四道之師十六
萬三千以攻之。殺傷殆盡。關東之人西戍者。邊將利
其死而沒入。輕齎之資。故戍卒自天寶後。迴歸者無
一。三其虐如是。而不敢怨叛。以取之土著。恐累親族
也。山東之人。至今為賊用。懲天寶之苦。一失兵柄。至
今不復。若使高宗以來。宰相得人。安不忘危。待府兵
不失舊章。安有叛臣賊子哉。陛下謀及此。太平有日
矣。上曰。今已有神策六軍。如何對曰。府兵為衛士。神

策等為禁軍。漢亦有南北及羽林孤兒林軍。即北軍。隋衛士之外。亦有驍果營國。初太原從義之師。願留宿衛。為心膂。不歸者六萬。於渭北白渠之下。七縣絕戶膏腴之地。分給義師家。為永業。於縣下置太原田以居。其父兄子弟於龍首監置營。以處。并為臣。高祖起弟於監內。謂之元從禁軍。義寧元年。初下京城。為右驍衛將軍。主之。貞觀初。以尉遲敬德權領。後二年。復入領焉。累轉右衛大將軍。主禁旅。凡二十年。太宗乃以元從軍為龍武。分為左右。置將數員分掌之。初高祖好畋獵。於元從揀善射者百人。分兩番於北門。

長上從獵謂之百騎太宗時亦然衣以五色賞賜優厚高宗時漸衆改爲千騎於北門別置營屬猶統龍武軍武太后朝召入轉多改爲萬騎而名羽林軍分左右置將軍員如龍武羽林盛而龍武衰初元從軍老及缺必取其家子弟鄉親代之謂之父子軍及置羽林萬騎但取材藝燕公請募曠騎之後以爲神武軍衰矣玄宗幸蜀六軍扈從者千人而已肅宗赴靈武不滿百人時朔方全軍子儀領之東討初即位之後衆纔數千後置元帥府收其子弟有衆三萬分番於行在宿衛時擇善馬射者數百人謂之供奉射生

官中貴監之以備出入朔從及收復京師龍武等六軍之士存而復上者共不滿萬思明陷東都也元帥府兵多鎮於陝州神策軍者本河州西境磨環川之軍號也中尉魚朝恩監之以衆七百赴難屯於陝而朝恩都監在陝之師代宗即位程元振并監元帥府禁軍先皇幸陝朝恩以在陝之師迎駕及還京師遂爲禁旅都以神策爲號以朝恩爲觀軍容使領之上曰八柱國言六家何也對曰其時周文帝是謂霸朝非人臣也廣陵王欣元氏懿戚位太傅太宗師從容禁闈而已其總戎蓋六家也上曰軍戎之制非卿家

累代腹心之地他人無因知待平河中後當與卿籌

畫云云

對曰盡聽臣言不減戍兵軍食必辦府兵亦

集上曰如何對曰關東之師約三年而代今始一年
矣給荒地牛種農具而官爲之糴每人所獲不啻絹
百匹年將滿下詔有願住者給所地開爲永業家口
願來令州府給長牒續食不二三更代則關中已實
不假征戍矣因遂以爲府兵移舊府名卽而置之分
設京師諸軍諸衛有寇則以符契發付邊將無寇分
番宿衛府兵成矣上曰此乃神謀也

詔下種麥之事
軍人願者十有

五六

通監貞元

二年德宗與李泌議復府兵泌歷

敘西魏以來興廢之由上曰俟平河中當議之三年

康熙戊辰年刊

七月間泌以復府兵之策泌請募戍卒屯田舊制三年而代及其將滿下令有願留者卽以所開田爲永業不過數畝戍卒皆土著乃悉以府兵之法理之既而願耕者什五六杜牧曰府兵內割邊兵外作戎臣兵伍湍奔矢往內無一人尾大中乾成燕偏重本朝熙寧二年閏十一月問府兵之制曰何處言府兵最備王安石曰李鄴侯傳言之詳備宋祁言唐詩出師每十爲五馱法馬牛任從所便什物鍋幕之類皆具師行萬里無所缺乏乞檢求唐馱幕法議可復與否或曰宇文周制府衛法七家共出一兵

方鎮表高祖太宗之制兵列府以居外將列衛以居

內有事則將以征伐事已各解而去兵者將之事也

使得以用而不得以有之

唐南北衙兵 北衛六軍 羽林軍 龍

武軍 神武軍 元從禁軍 北衙七營

左右屯營 百騎 千騎 萬騎 飛

騎

兵志夫所謂天子禁軍者南北衛兵也南衛諸衛兵也北衛禁兵也初高祖以義兵起太原已定天下悉罷遣歸願留宿衛者三萬人高祖以渭北白渠旁民弃腴田分給之號元從禁軍後老不任事以其子弟代謂之父子軍及正觀初太宗擇善射者百人爲二番於北門長上曰百騎以從田獵又置北衛七營選材力驍壯月以一營番上十二年十一月三日丁未始置左

右屯營於玄武門領以諸衛將軍號飛騎通典正觀十一年左

康熙二十六年刊

卷之三十三

三

右屯衛始置飛騎 舊紀正觀十二年六月庚子初

置玄武門左右飛騎龍朔二年改左右威衛而別置

左右屯營尋改屯營為羽林 阿史那社爾傳太宗詔檢

校北門左屯營 契苾何力傳有詔宿衛北門檢校

屯營事 紀正觀十七年閏六月丁巳詔皇太子與

左右屯營兵 會要開元十年九月二十七日勅在

京左右屯營宜於順義景風門內置北衙為兩營一營

大北門安置一營大內北門安置駕在東都左右屯

營於賓曜右掖門內安置兼於玄武北門左右廂繞

宮城分宿衛開元二十年七月勅裴光廷蕭嵩分押

左右廂兵 六典凡車駕在京南北衙置左右屯營

別立使以克之在都則京城亦如之 先天二年正

月詔羽林飛騎 其法取戶二等以上長六尺關壯者

於衛上簡補

試弓馬四次上翹關舉五負米行三十步者 姜行本

選趨才衣五色袍乘六閑馬直營屯宿衛仗內號曰

飛騎每出巡幸即以從拜行本為左屯衛將軍分典

之 敬君弘傳以屯營兵守玄武門 薛仁貴北

長上 薛萬均 會要元和二年正月敕左右羽林

月番飛騎五千六復擇馬射爲百騎通典十三年於

百一十三人宜停善射者衣五色袍乘六閑馱馬虎皮鞵爲游幸羽衛

爲百騎高宗龍朔二年始取府兵越騎步射置左右羽林軍

大朝會則執仗以衛階陛行幸則夾馳道爲內仗會要

垂拱元年五月二十七日置左右羽林軍領羽林郎

六千人天授二年二月三十日改左右羽林衛神龍

元年二月四日改羽林軍李多祚以右羽林大將軍

領北門衛兵誅二張景龍元年九月二十七日改左

右羽林騎衛景雲元年八月二十五日癸卯復爲羽

林軍天寶七載七月二十日勅左右羽林飛騎以一
萬五千人爲定額六番上下乾元元年十月四日勅
羽林軍同金吾四衛元和二年正月勅羽林軍應管
月番飛騎總五千六百一十二人宜停巨彥範傳
張柬之引彥範敬暉爲左右羽林將軍屬以禁兵神
龍元年正月率程羽林兵與將軍湛多祚元琰等千騎
五百人討賊程務挺檢校左羽林軍張延師典

康熙二十六年刊

羽林兵三十年 王翊武后 永昌元年十月改百騎爲

千騎 田歸道爲左金吾押 睿宗 景雲元年九月又改

千騎曰萬騎分左右營 通監中宗景龍元年及玄宗

景雲元年 以萬騎平韋氏改爲左右龍武軍以萬騎

營隸焉 鄴侯家傳太宗以元從軍爲龍武分左右置

番於北門長上從獵謂之百騎太宗時亦然衣以五

色賞賜甚重高宗百騎漸衆乃改爲千騎而於北門

置營謂之千騎營猶統於龍武軍武后朝召入轉多

又改爲萬騎而名羽林軍分左右置將軍員如龍武

其後羽林林盛 皆用唐元功臣子弟制若宿衛兵是時

而龍武衰 良家子避征戍者亦皆納資隸軍分日更上如羽林

會要開元二十六年十一月五日析左右羽林軍置

武軍通典舊紀亦同或云二十七年五月二十七

日通監開元十六年二月壬辰改護騎爲左右
林軍飛騎至德二年郭英又爲羽林大將軍掌衛與

開元十二年詔左右羽林軍飛騎闕取京旁州府士

以戶部印印其臂爲二籍羽林兵部分掌之末年禁

兵寢耗及祿山反天子西駕禁軍從者裁十人肅宗

赴靈武士不滿百及卽位稍復調補北軍李光進將北軍自至

德後掌禁兵委以心膂至德二載會要三年十二月二十四日置左右神武

軍補元從扈從官子弟不足則取他色帶品者同四

軍亦曰神武天騎制如羽林總曰北衙六軍大典凡車駕在

京卽東都南北衙皆置左右屯營別立又擇便騎射

者置衙前射生手千人亦曰供奉射生又曰殿前射

生分左右廂總號曰左右英武軍肅宗乾元元年李輔國請選羽林騎士五百備徵巡李揆曰漢以南北軍相制朝廷置南北衙文武區處以相伺察今用羽林代金吾巡警忽有非常何以制之遂罷 官志左

右羽林軍有大將軍各一人將軍各三人掌統北衙

禁兵督攝左右廂飛騎儀仗番上者配其職長史錄

事參軍倉曹參軍司階中候司戈執戟長上 軍有羽林

用法星象

左羽林張知賽李晟景畧

右

左右龍

羽林薛訥楊元琰張說李抱玉張守珪獻恭武軍大將軍各一人統軍各一人將軍三人掌同羽

林注景雲元年置龍武將軍興元元年 正月二十六日辛丑

軍各置統軍秩從文二品貞元三年五月龍武加將

軍一員

以待諸道大將軍有功者左羽林統軍陳
楚右羽林統軍孟元陽高固左龍武統

統軍戴休

顏張茂宗劉昌裔右龍武統軍張伯儀
韓游瓌左龍武哥舒曜薛平右龍武李觀自良

令狐建為

右龍武軍使帝幸奉天建方韓士射遂
李觀為龍武將軍領兵千餘扈奉

以四百人從

天詔增募左右神武軍有大將軍各一人將軍三人

總衙前射生兵

左神武康承注開元二十六年分羽
訓令狐建

林置神武軍尋廢至德二年復置左右龍武左右神

武左右神策號六軍貞元二年

九月神策軍置大將

軍將軍十四年八月

置統軍品秩同六軍韓游瓌傳

元職局軍置統軍一員以游瓌論惟

德宗自興元元年正月二十九日辛丑置

康熙二十八年刊

卷之三十一

七

六統軍視六尚書以處功臣除制用白麻付外正元十二年六月後以鄭綱言罷之命中書降敕會要

廣德二年正月神武軍等各八千五百人羽林各二千人爲定額兵志段秀實見

禁兵寡弱疏曰天子萬乘諸侯千乘大夫百乘蓋以小制大十制一也尊君卑臣強幹弱枝之道今禁兵不精後有猝故何以待之

唐左右十軍 寶應軍 左右神策軍

神威軍 內外八鎮兵 天策府

兵志上元中元年八月庚午以北衙軍使衛伯玉爲神策軍

節度使鎮陝州中使魚朝恩爲觀軍容使監其軍初

哥舒翰破吐蕃臨洮西之磨環川天寶十三載七月癸丑卽其

地置神策軍以成如璆爲軍使及祿山反如璆以伯
玉將兵千人赴難伯玉與朝恩皆屯于陝時邊士陷
蹙神策故地淪沒卽詔伯玉所部兵號神策軍以伯
玉爲節度使與陝州節度使郭英乂皆鎮陝其後伯
玉罷以英乂兼神策節度使英乂入爲僕射軍遂統
於觀軍容使代宗卽位以射生軍入禁中清難皆賜
名寶應功臣故射生軍又號寶應軍廣德元年十月

代宗幸陝朝恩舉在陝兵與神策軍迎扈悉號神策
軍天子幸其營及京師平朝恩遂以軍歸禁中自將
之然尚未與北軍齒也永泰元年九月吐蕃復入寇

朝恩又以神策軍屯苑中自是浸盛分爲左右廂勢
居北軍右遂爲天子禁軍非他軍北朝恩乃以觀軍
容使知神策軍兵馬使大曆四年請以京兆之好時
鳳翔之麟游普潤皆隸神策軍明年復以興平武功
扶風天興隸之又用愛將劉希暹爲神策虞候五年
三月朝恩得罪以希暹代爲神策使是歲希暹得罪
以朝恩舊校王駕鶴代將十數歲德宗卽位以白志
貞代之是時神策雖處內而多以裨將將兵征伐往
往有功及李希烈反河北盜且起數出禁軍征伐神
策之士多闕死者建中四年下詔募兵以志貞爲使

堯楠峻切郭子儀之壻端王傅吳仲孺殖資累巨萬以國家有急不自安請以子率屬奴馬從軍德宗喜甚為官其子五品志貞乃請節度都團練觀察使與世嘗任者家皆出子弟馬奴裝鎧助征授官如仲孺子及涇軍潰變志貞等流貶神策都虞候李晟與其軍之他將皆自飛狐道西兵赴難遂為神策行營節度屯渭北軍遂振貞元二年九月二日丁亥改神策左右廂為左右神策軍特置監伺常左右神策軍以寵中官而益置大將軍以下二人將軍二人又改殿前射生左右廂曰殿前左右射生軍亦置大將軍以下會要吳元寇復屬山鎮屬

翔始分神策為左右兩廂今內臣三年詔射生神策六

軍將士府縣以事辨治者勿輒捕云四年會要三年

和乙改殿前左右射生軍曰左右神威軍實錄作神武軍置

監左右神威軍使左右神策軍皆加將軍二員左右

龍武軍加將軍一員以待諸道大將有功者德宗幸

梁還以神策兵有勞皆號奉天定難功臣自肅宗以

後北軍增置威武長興等軍名類多而廢置不一惟

羽林神武龍武神策神威最盛總曰左右十軍矣塞

上稱神策行營皆內統於中人其軍乃至十五萬貞

元十四年八月詔左右神策置統軍以崇禁衛元

二年省神武軍。明年

正月戊申

又廢左右神威軍，合為一

曰天威軍。八年廢三威軍，以其兵騎分隸左右神策軍。穆宗欲復立此軍，以為心腹，謀於裴度，以為不便。

遂止。

劉黃曰：夏官不知兵籍，正奉朝請六軍不上武事。止養階勳軍容合中官之政，或律附內臣之

職。官志：左右神策軍大將軍各一人，統軍各二人。

將軍各四人，掌衛兵及內外八鎮兵。有護軍中尉、中

護軍判官、左右龍武神武神策號六軍。貞元二年

置大將軍、將軍十四人。八月

置統軍

大將軍康志睦段佑劉沔

將軍郝廷王

將軍范希朝

始殿前左右神威軍。

元和三年

正月戊申合為天威軍。

八年廢，以軍隸神策。有

嘉靖丙辰年

五月

三

監生王秦刊

馬軍步軍將軍及指揮使等以馬軍大將軍知軍事

天復三年廢神策軍四年復置

會要元和三年正月詔普潤鎮兵馬使隸

左神策良原鎮兵馬使隸右神策光啓元年四月以田令孜為左右神策十軍使令孜當新軍五十四都每都千人左右神策各二十七都分為五軍令孜總之帝坐之西星文昭晰鈞陳之北此旅森列

列傳哥舒翰傳天寶十二載破吐蕃洪濟大莫門等

城收黃河九曲以其地置洮陽郡築神策宛秀二軍

通監十三載七月癸丑翰奏置神策軍會要十三載七月十九日請置軍以成如瑒為大守充神策軍

使去臨兆郡二百餘里宛秀軍以滅奉忠充使衛伯玉傳神策兵馬使出

鎮陝州行營乾元二年破賊將遷羽林大將軍俄為

神策軍節度使 蔣武傳貞元十八年詔問神策軍

建置本末中書討求不獲集賢學士悉無以對乃訪
又條據甚詳宰相曰集賢有人哉 陸贄奏議伐叛

請益師於是選神策銳卒以繼之而李晟往矣神策
六軍之兵繼出關外 栢良器傳爲左神策大將軍

知軍事募材勇以代市販者中尉竇文場惡之換石
領軍衛自是軍政皆中官專之 馬存亮傳進左神

策中尉軍所籍凡十餘萬料東尤精伍無罷士部無
冗員 范希朝傳王叔文用爲右神策統軍充左右

神策行營節度使屯奉天以韓泰爲副會不能得神
策軍而罷 王鐔爲鴻臚少卿悉籍名王以下四千

人蓄馬二千奏皆停給宰相李泌盡以隸左右神策軍以酋長爲牙將 李鄴傳爲鳳翔隴右節度使是鎮常兼神策行營前此用武將始受詔諸軍修謁鄴不可詔爲去神策行營號 李絳傳吐蕃犯涇州絳因言濱塞虛籍多實兵少今京西北神策鎮軍本防盛秋坐仰衣食不使戰事至之日乃先稟中尉夫兵不內御要須應變失毫釐差千里請分隸本道則號令齊一前戰不還踵矣然士卒樂兩軍始息宦者以爲言議遂寢 高霞寓傳元和中討王承宗有功詔藏所獲鎧仗於神策庫一作軍以旌之 陽惠元以軍

隸神策 李吉甫奏復宥州治經略軍以隸緩銀道
取鄜城神策屯兵九千實之 王宰隸神策軍 宦
者傳德宗以左右神策天威等軍委宦者主之置護
軍中尉中護軍分提禁兵威柄下遷政在宦人興元
初詔竇文場監神策左廂兵馬以王希遷監右而馬
有麟爲左神策軍大將軍軍額由此始帝自山南還
兩軍復全忌宿將難制詔文場霍仙鳴分總之廢天
威軍入左右神策久之詔文場爲左神策護軍中尉
仙鳴爲右焦希範爲左神策中護軍張尚進爲右高
崇文以左神策行營節度使統左右神策麟游奉天

諸屯兵討劉開選兵五千那漏受命辰巳出師 順

宗實錄正元二十一年五月辛未以范希朝兼右神

策京西諸城鎮行營兵馬節度使甲戌以韓泰充左
右神策京西都樞行營兵馬節度行軍司馬王叔文
謀奪宦者兵希朝至奉天肅將無至者 武宗紀會

昌二年七月幸左神策軍閱武 李庾西都賦親兵

百萬制以神策紫身豹首金腰火額獵霞張旆剝犀
綴華奮目如虎毗振髯而蝟磔柔六鈞貫七札對天
仗以司戈分玉墀而執戟別有陳旌賜鉞闔外四十
依榆關而作鎮拒柳營而開壁

紀武德四年十月己丑以秦王爲天策上將位在

公上開府置官屬九年六月乙酉罷天策府

天策府長史

僉司馬宇文弼

會要顯慶三年八月十日以四夷君長

來朝置懷德歸化將軍以授之仍隸諸衛正元十一

年正月初置四品以下武官

增中郎將以下員

授四夷歸附

者定懷化大將軍以下俸錢有差

唐禁軍總南北衙言之南衙卽諸衛之屯於宮南者

也北衙卽北軍之在禁苑者也

諸衛營在太極宮

前朱雀門內北軍左右兩軍皆在苑內

左軍在內東苑之東右軍

在九仙門之西諸衛皆調關內府兵有急則召諸衛官領之

故號南衙北軍亦從衛兵中選用其法初於太宗之

飛騎其後羽林龍武神策神威之類皆北軍也

二張韋氏

之誅皆用北軍 太宗討隱

節度兵強而方鎮之

執成於外十軍倚重而北衙之執成於內 天子之

勢屈於方鎮之兵方鎮之勢屈於所部之兵至其甚

也將之廢置出於兵至于五代國之廢置出於兵

兵重於外而不歸故藩鎮強大而叛兵重於內而不

制故宦官得柄而逆

唐左右英武軍 威遠營

兵志 肅宗至德二載擇便騎射者置衙前射生手千

八分左右廂曰左右英武軍上元初郭子儀率英

武軍以趨范陽代宗擢論惟正右領軍大將軍爲

英武軍使

王難得辛京果爲使

會要建中元年七

月以鴻臚寺左右威遠營隸金吾

賈耽授鴻臚卿兼左右威遠營使

元和二年四月勅左右威遠營置已久近置英武軍

宜併省入左右威遠營置使二人十三年十二月停

左右龍武等六軍及威遠營納課戶一千八百人

云十二月辛亥停龍武六軍及威遠營納課戶一千八百人 天祐二年正月二十

三日停威遠營以兵士隸六軍

白

唐節度使兵 方鎮 天兵

兵志所謂方鎮者節度使之類也原其始起於邊將

之屯防者唐初兵之戍邊者大曰軍小曰守捉曰城

曰鎮而總之者曰道若盧龍軍一東軍等守捉十一

兵三萬七千五百人曰平盧道橫海北平高陽經略安塞納降

唐興渤海懷柔威武鎮遠靜塞雄武鎮安懷遠保安

軍十六兵九萬一千四百人曰范陽道天兵大同天安橫野軍

四岢嵐等守捉五兵五萬五千人曰河南道朔方經略豐安

定遠新昌天柱宥州經略橫海天德天安軍凡三受

降豐寧保寧烏延等六城新泉守捉一朔方兵六萬四千七百人

曰關內道赤水大斗白亭豆盧墨離建康寧寇玉門

天山軍十鳥城等守捉十四兵七萬曰河西道

青海靜塞軍三沙鉢等守捉十兵二曰北庭道

保大軍一鷹娑都督一蘭城等守捉八兵二萬曰突

西道鎮西天成振威安人綏戎河源白水天威榆林

臨洮莫門神策寧邊威勝金天武寧曠武積石軍十

八平夷綏和合川守捉三兵七萬曰隴右道威戎安

夷昆明寧遠洪源通化松當平戎天保威遠軍十等

崖田等守捉十五新安等城三十二捷為等鎮三十

八兵三萬曰劍南道嶺南安南桂管邕管容管經略

清海軍六兵萬五千曰鎮南道福州經略軍一兵旣

三十一

又曰江南道平海軍一東牟東萊守捉二孫恪蓬萊

鎮一曰河南道此自武德至天寶已前邊防之制其

軍城鎮守捉皆有使而道有大將一人曰大總管已

而更曰大都督繪饒曰大都督至太宗時行軍

征討曰大總管在其本道曰大都督自高宗末徵以

後鄴督帶使持節者始謂之節度使然猶未以名官

景雲二年四月以賀拔延嗣為涼州都督河西節度

使自此以後接乎開元朔方隴右河東河西諸鎮皆

置節度使及范陽節度使安祿山反肅宗起靈武而

諸鎮之兵共起誅賊其後祿山子慶緒及史思明父

天制

子繼起肅宗命光弼等討之號九節度之師久之大
盜旣滅而武夫戰卒以功起行陳列爲侯王者皆除
節度使由是方鎮相望於內地大者連州十餘小者
猶兼三四云通監天寶元年凡鎮兵四十九萬人馬
八萬餘匹開元八年八月選驍勇一
萬充幽州經畧軍二十五年五月癸未詔中書
門下與節度使量軍鎮閑劇計兵防爲定額地

理志關內道又有軍八華州鎮國上元元年置商州
興平鳳翔隴右元和元年更名保義隴州義寧鄜州
肅戎會州新泉鹽州保塞勝州義勇河南又有軍三
滑州宣義陳州忠武汴州宣武建中二年置子宋州
興元元年徙屯河東又有軍二河中耀德代州代北

河北又有軍十三孟州河陽相州昭義鎮州恒陽深
州永寧定州義武景州唐昌易州永清幽州防禦平
州柳城媯州清夷寧武廣邊營州平盧山南有軍二
江陵府永安成州靜戎江南又有軍十一潤州丹陽
昇州江寧蘇州長洲杭州餘杭鎮海越州義勝靜海
福州寧海宣州采石乾元二年置洪州南昌鄂州武
昌劍南又有軍八成都天征本天威彭州鎮靜漢州
威勝邛州鎮南雅州金湯靜寇茂州威戎遂州靜戎
餘並同兵志百官志凡上鎮二十中鎮九十將副
各一人下鎮一百三十五上戍十一主副各一人中

戍八十六下戍二百四十五每防人五百人爲下鎮

二百人爲中鎮不及爲下鎮五十人爲上戍三十人

爲中戍不及爲下戍

大曆二年正月詔潼關置鎮兵三千人 六典注魏有鎮東等

將軍隋有將副唐因之

通典每道置使其邊方有寇戎之地

則加以旌節行則建節府立六纛有副使一人行軍

司馬一人判官二人掌書記一人

大曆七年正月丙辰詔諸道軍數每

歲秋末冬首一中元和二年四月中書叙錄諸道將士總八十八萬五千人

開元二十

年分十五道置採訪使又於邊境置節度經略使式

過四夷節度使十經略守捉使三大凡鎮兵四十九萬

人戎馬八萬餘匹每歲經費衣賜則千二十萬匹段

軍倉則百九十萬石大凡千二百十萬

開元天寶每歲邊用不過

四万六千七

二百

天寶初折衝府五百九十三鎮二百四戌三百

九十三關二十七

六典凡天下之節度使有八一

曰關內朔方二曰河東三曰河北幽州四曰河西

天寶

十四載正月河西置五千人馬千匹

五曰隴右六曰劍南七曰磧西八

曰嶺南凡親王總戎則曰元帥文武官總統者曰總

管以奉使言之則曰節度使有大使副大使副使判

官若大使加旌節以統軍置木契諸軍各置使一人

五千人以上置副使萬人以上置營田副使凡鎮皆

有使一人

藩鎮傳魏博傳五世至田弘正入朝十

年復亂更四姓傳十世有州七成德更二姓傳五世
至王承元入朝明年王庭湊叛傳六世有州四盧龍
更三姓傳五世至劉總入朝六月朱克融反傳十二
世有州九淄青傳五世而滅有州十二滄景傳三世
至程權入朝十六年而李全略有之至其子同捷滅
有州四宣武傳四世而滅有州四彰義傳三世而滅
有州三澤潞傳三世而滅有州五云 **方鎮表**起景
雲元年止天祐四年 方畿 興鳳隴涇原 邠寧渭北鄭
坊朔方東畿滑衛河南鄭陳淮南西道徐海沂密青
密北都河中澤潞沁成德義武幽州魏博橫海南陽

山南西道荆南安西河西隴右劍南收功弭亂雖常

倚鎮兵其亡亦以此通鑑開元十五年十二月戊

寅制以吐蕃爲邊患令隴右道及諸軍團兵五萬六

千人河西道及諸軍團兵四萬人又召關中兵萬人

集臨洮朔方兵二萬人集會州防秋二十六年正月

丁丑制邊地長征兵召募向足自今鎮兵勿復追

列傳李林甫傳貞觀以來任蕃將者如社余何力猶

不爲上將皆大臣總制之上有餘權以制於下先天

開元中大臣若薛訥郭元振張嘉貞王峻張說蕭嵩

杜暹李適之等自節度使入相林甫疾儒臣積邊勞

且大任欲杜其本以久已權說帝用蕃將因以安思

順代林甫領節度而擢安祿山高仙芝哥舒翰等專

爲大將林甫利其虜也無入相之資故祿山得專二

道勁兵處十四年不徙卒稱兵蕩覆天下

李泌言府兵平日皆

安居田畝每府有折衝領之折衝以農隙教習戰陳有事召發以符契下其州及府參驗發之行者近不踰時遠不逾歲高宗以劉仁軌爲洮河鎮守使以圖吐蕃始有久戍之役自開元之末張說始募長征兵謂之曠騎其後益爲一軍及李林甫爲相奏諸軍皆募人爲之兵不土著忘身徇利禍亂遂生

張

說傳開元十年爲朔方節度大使親行五城督士焉

故時邊鎮兵羸六十萬說以時平請罷二萬還農帝

疑之說曰邊兵雖廣諸將自衛營私耳制敵不在衆

也 顏真卿爲平原太守增陴浚隍料才壯時平原
有靜塞兵三千益募士得萬人遣李擇交統之清河
李萼乞師曰公首奮裾唱大順河朔恃公爲金城清
河西鄰也有江淮租布備北軍號天下武庫 郭子
儀大曆九年上書朔方國北門西禦犬戎北虞獫狁
五城相去三千里開元天寶中戰士十萬馬三萬匹
僅支一隅臣所統士不當賊四之一河南北江淮大
鎮數萬小者數千未始蒐擇請追赴關中勒步隊示
金鼓 張洎曰唐罷府兵始置神武神策爲禁兵不
過三數萬郡國軍額除河朔三鎮外太原青社各十

萬邠寧宣武各六萬潞徐荆揚各五萬襄宣壽鎮海
各二萬觀察團練據要害之地者不下萬人 李泌

曰天寶中天下鎮兵四十九萬人馬八萬餘匹開元
之前每歲供邊兵衣糧費不過二百萬天寶之後益
兵浸多每歲用衣千二十萬疋糧百九十萬斛民始
困矣 陸贄奏議云諸牧有馬每州有糧肅宗得以

爲資先帝稍益禁衛漸修邊防關中有朔方涇原隴
右三帥以扞西戎河東有太原全軍以控北虜此四
軍皆聲勢雄盛士馬精強又名諸道戍兵每歲乘秋
備塞開元天寶間控禦西北兩蕃唯朔方河西隴右

三節度而已猶慮權分勢散或使兼領中興已來未
遑外討僑隸四鎮於安定權附隴右於扶風所當西
北兩番亦朔方涇原隴右河東四節度而已關東戍
卒至則屬焉頃又分朔方之地凡三使其餘鎮軍數
且四十皆承特詔委寄各降中貴監臨人得抗衡莫
相稟屬代朔邠靈之騎士自昔之精騎也上黨盟津
之步卒當今之練卒也烏重胤徒橫海軍建言河
朔能拒命者鎮將領軍能作威福也使刺史得職大
帥豈能據一州而叛臣所管三州還刺史職各主其
兵因請廢景州李固言爲西川節度使始置羸軍

千匹。又募銳士三千。王彥威開成初判度支。言至德、汭元和天下觀察者十。節度者二十有九。防禦者四。經略者三大。都通邑皆有兵。最凡八十餘萬。長慶籍戶三百五十萬。而兵乃九十九萬。率三戶資一兵。又爲供軍圖上之。

永徽始有節度之名。景雲始有節度之職。接于開元。文武迭用。不久任。不兼領。不遙授。自天寶分置十節度。致漁陽之變。安史平。而藩鎮之禍方始。唐平安史。用朔方太原兩軍。平黃巢。用忠武大同兩軍。

唐曠騎 長從宿衛

兵志開元六年始詔折衝府兵六歲一簡自高宗武
后時天下久不用兵府兵之法寢壞番役更代多不
以時衛士稍稍亡匿至是益耗散宿衛不能給宰相
張說乃請一切募士宿衛十一年戊子取京兆蒲
同岐華府兵及白丁而益以潞州長從兵十二萬號
長從宿衛歲一番命尚書左丞蕭嵩與州吏共選之
明年更號曰彊騎又詔諸州府馬闕公私共補之今
兵貧難致乃給以監牧馬然自是諸府兵益多不補
折衝將又積歲不得遷人耻爲之十三年始以彊騎
分隸十二衛舊紀開元十三年二月乙酉總十二萬爲

分隸十二衛

舊紀開元十三年二月乙酉總十二萬爲

亥初置彊騎分隸十二衛

六番每衛萬人京兆曠騎六萬六千華州六千同州
九千蒲州萬二千三百絳州三千六百晉州千五百
岐州六千河南府三千陝虢汝鄭懷汴六州各六百
內弩手六千其制皆擇下戶白丁宗丁品子孫壯強
五尺七寸以上不足則兼以戶八等五尺以上皆免
征鎮賦役爲四籍兵部及州縣衛分掌之十人爲火
五火爲團皆有首長又擇材勇者爲番頭頗習弩射
又有羽林軍飛騎亦習弩射凡伏遠弩自能施張縱
矢三百步四發而二中擘張弩三百六十步四發而
二中角弓弩二百步四發而三中單弓弩百六十步

四發而二中皆爲及第天寶以後曠騎之法又稍變

廢士皆失拊循八載折衝諸府至無兵可交兵

既以征戍

耗亡而不復補自然無兵可交

李林甫遂請停上下魚書其後徒有

官吏兵額而已

張說傳爲朔方大使時衛兵貧弱

番休者亡命略盡說請募勇強士不旬日得勝兵十

二萬分補諸衛以強京師

會要開元十一年十一

月二十日

戊子

張說置長從宿衛兵十萬人至十三

年二月二十一日

乙亥

始名曠騎十六年二月二十

五日

壬辰

曠騎弩手改爲左右羽林軍飛騎

吳湊

傳言掌閑曠騎飛龍內園芙蓉園禁兵諸司雜供役

手資課太繁宜有蠲省

唐神武軍

地理志代州有守捉兵其北有大同軍本大武軍調露二年曰神武軍天授二年曰平秋軍大足元年復更名其西有天安軍天寶十二載置

唐天兵軍

張嘉貞傳突厥九姓新內屬雜處太原請置天兵軍綏護其衆通監開元五年嘉貞請宿重兵鎮之七月辛酉置天兵軍於并州集兵八萬嘉貞爲大使

地理志太原府城中有天兵軍開元十一年廢

要天兵軍聖曆二年四月置大足元年五月十八日
廢長安元年八月又置景雲元年又廢開元五年六
月二十四日張嘉貞又置十一年三月四日改爲太
原已北諸軍節度使張說爲天兵軍節度大使通監開元十六
年十二月丙寅立長征兵分番酬勲法分五番歲遣
一番還家五年酬勲五轉

唐澤潞步兵 昭義步兵

實錄代宗永泰元年正月戊申加陳鄭澤潞節度使
李抱玉鳳翔隴右節度使以其從弟殿中少監抱真
爲澤潞副使本傳觀察澤潞凡八年抱真以山東有變上黨爲

兵衝而荒亂之餘士瘠民困無以贍軍乃籍民每三

丁選一壯者免其租徭給弓矢使農隙習射歲暮都

試行其實罰比三年得精兵二萬本傳善甲碎兵隨

議步兵為既不費廩給府庫充實遂雄視山東天下

稱澤潞步兵為諸夏最計劉積精甲五千武武聘

驚罕而李抱真傳德宗嗣位領昭義節度使建

中中田悅反圍邢及臨洛抱真與河東馬燧合神策

兵救之敗悅於雙岡斬其將楊朝光又破之臨洛遂

解臨洛邢之圍進圍魏戰城下大敗會朱滔王武俊

反抱真退保魏帝倉猝狩奉天將皆各引麾下還

五百四十二

屯於時李希烈陷汴李納反
鄆李懷光相次反河中
抱真以數州截然橫絕潰叛
中離沮其義為羣盜所
憚云。官志殿中侍御史京畿諸州兵皆隸焉。

唐山河子弟

呂元膺傳為東都留守東都川谷曠深人皆擣惶

閻號曰山胡東都防禦使元膺

七百九十年十月元膺元膺元和十年元膺募為山河子

弟使衛宮城元膺元和十二年正月

辛酉河東張弘靖置子弟立三千人三月義武陳楚

置子弟義武置一萬子弟義武置錄曰周煇并田置六

六郡四十萬唐以折衝
之紀邊諸道兵六十萬韓溪之於兩浙置子弟軍大
州一千小州一百強者習弓弩弱者習排槍緩則脩
農急則為兵

六典秦成岷渭河蘭六州有高麗羌兵黎維邛翼茂
一州有鎮防團結兵 憲宗時涇原節度朱忠亮隲
一數軍籍得竄名者三千人 宣宗時徐商為河中節
度時突厥千帳度河自歸詔商綏定商表處山東寬
鄉置備征軍凡千人製紙為鏡一本李錡反路應發鄉

兵救湖常二州

應為

張鑑為濠州刺史團關

孫樵曰兵籍於郡則易為役卒出於邊則習

唐雄邊子弟

丁德裕傳

南燕保義等十二軍見籌邊樓

唐七軍

九陣法類

唐六軍

宗紀天復三年正月辛未隸判六軍十

其名存而天祐元年正月乙巳隸判

左三軍事獨孤損判右三軍事
五代三衙將帥年表

李壽一卷

玉海卷第一百二十八

雜錄

卷之五

五

玉海卷第一百三十九

凌儀王應麟伯厚甫

兵制

兵制四

宋朝侍衛親軍 三衛

五代於唐六軍諸衛之外別爲私兵。藝祖詔殿前侍衛之司各閱所掌兵簡其饒勇升爲上軍復籍郡國饒勇之卒致之闕下又申嚴一階一級之法使截然知分守所存臨試有法勸懲有方民不知兵而安於耒耜兵衛乎民漸習於干戈去其冗濫而不使有

傷財之患，嚴其法制而不使有犯上之憂，故能以十
五萬之衆方行天下。五代史五代軍制無足稱，惟

侍衛親軍之號，今猶因之而甚重。然原其始起微矣。
當唐末方鎮之兵，凡一軍有指揮使一人而合一州
之諸軍，又有馬步軍都指揮使一人，蓋其卒伍之長
也。自梁以宣武軍建國，因其舊制，有在京馬步軍都
指揮使。本方鎮軍校之名後唐因之。至明宗時，始更爲侍衛
親軍馬步軍都指揮使。康義誠爲之當是時，天子自有六
軍諸衛之職，六軍有統軍，諸衛有將軍，而又以大臣
宗室一人判六軍諸衛事，以朝廷大將天子國兵之

舊制也而侍衛親軍者天子自將之私兵也推其名號可知矣

後唐秦王從榮以河南尹爲大元帥典六軍

天子自爲之將則

都指揮使乃其卒伍之都長耳然自漢周以來其職益重漢有使衛司獄凡朝廷大事皆決侍衛獄是時史弘肇爲都指揮使與宰相樞密使並執國政然是時方鎮各自有兵天子親軍不過京師之兵而已今方鎮名存實亡諸六軍諸衛又益以廢朝廷無大將之職而舉天下內外之兵皆屬侍衛司矣親軍之號始於明宗其後又有殿前都指揮使亦親軍也皆不見其更置之始今天下之兵皆分屬此兩司矣

殿前司始於周世宗太祖為殿前都虞候初詔募壯

士送京師命太祖擇武藝精高者為殿前諸班而置

都點檢位都指揮使上太祖由此受禪後周顯德三年十月甲申

以太祖皇帝兼殿前都指揮使十二月壬申以張永德為殿前都點檢建隆二年閏三

月戊辰慕容延釗罷自是都點檢不除建隆二年七月庚午高懷

德罷殿前副都點檢自是亦不除殿前司與侍衛司馬軍步軍為三

衛唐制有十二衛為南衙漢之南軍也六軍其實兩

司而侍衛司都指揮使外又分置馬步軍都指揮使

殿前司亦參馬步軍總於都指揮使兩司三衛合十

一員分天下兵而領之此祖宗制兵之大畧也三衛

用邊臣戚里及軍班出身各一人太宗時侍衛都虞
候以上各置十員職位相亞易於遷改且使軍伍素

相磨習邊藩緩急亦得選用

故事釋邊將有威望者為三衙軍政號令則在

密院舊制不許接坐宰相坐

待漏院管軍於簾外側

杖聲喑而過與漢周問異矣

朝廷待遇二帥禮繼

二府而不入品序止於本官為次

政和四年六月

詔有司定班序

古者天子必有親兵實自將之以

備不虞強主威漢北軍唐神策之類是也

祥符八

年六月四日詔宣取兵士見御寶文字乃得交付

建隆元年正月辛亥酬翼戴之勲殿前副都點檢

則高懷德都指揮使則王審琦侍衛馬步軍副都指

揮使則石守信都虞候則張令鐸馬軍都指揮使則

張光翰步軍都指揮使則趙彥徽

後唐明宗時藥彥稠遷侍衛步軍都

虞侯 雍熙以來 田重進 傅潛 王超 繼為都虞侯 自
趙罷職 無復任者 殿前司都指揮使 副都虞侯 副

國初有都點檢 後不復置 國朝兵制 禁軍殿前侍衛司分領

之殿前司領騎兵之額三十七 步兵之額二十六 侍

衛司領騎兵之額三十五 步兵之額八十三 御前忠

佐軍頭司領步騎之額四 皇城司領步兵之額二 左

右驛院領騎兵之額二 兩朝志 殿前司騎軍額三十 步軍額十 有六 侍衛司

騎軍額三十 有六 步軍額五十 有六 建隆三年十

一月 甲子 殿前侍衛兩司將校 毋得冗占 直兵限其

數 著于 令 乾德四年 閏八月 乙亥 詔 諸軍不得 選軍

中 驍勇 自為 牙隊 景德四年 十月 丁未 樞密院上

新置 殿前侍衛 侍衛為軍都指揮使 以節度使充副

司 將校 具員 都指揮使 以觀經 以上都虞侯 以防禦使 以上充

乾德四年六月杜審瀧權知步軍事

神宗史志殿前侍衛司以節度

使爲都指揮使而副使都虞候無定員以刺史以上

充備則通治缺則互攝兼統制四廂軍設吏殿前二十八馬司十二

八步司二十殿前有神武宣武驍騎上下軍寧朔驍

勝虎翼左右五軍各十指揮並有指揮使都虞候馬

軍有雲騎武騎各十指揮步軍有虎翼左右五軍十

指揮每軍有指揮使一員都虞候副之范祖禹曰樞

權而無握兵之重二帥有握兵之重而無發兵之權彼此相維不得專制所以無兵變也熙寧中裁定

神衛刺員萬有千人凡軍校遷至軍都指揮使又遷

則遙領刺史。又遷爲廂都指揮使。則遙領團練使。員
監則從上落軍職爲正團練刺史之本任。或爲他州
總管鈐轄。哲宗史志殿前司掌殿前諸衛。殿陛出
則扈從乘輿。大禮則提點編排。整肅禁衛。鹵簿儀仗
掌宿衛之事。侍衛親軍馬軍步軍司掌馬軍步軍諸
指揮之名籍。

藝祖平定天下。養兵止二十二萬。而京師十萬餘。明
強幹弱枝之勢也。如周畿兵如漢中壘。

宋朝六軍

龍武羽林神武六軍。掌郊祀朝會儀仗判司官一人。

以判金吾街仗將軍兼領左右各三軍自左右衛以下官名存而事廢太祖太宗朝以處將帥後多以皇族爲之天禧元年令內職兼攝環衛熙寧三年令邊將統攝咸平五年加楚王元佐左羽林上將軍舊制六軍置統軍無上將軍之名蓋有司之誤祥符八年二月丙寅元佐天策上將軍治平三年九月詔六軍更不除上將軍

宋朝四廂軍

職官志 殿前司有捧日天武左右四廂馬軍司有龍

衛左右廂

端拱初以龍衛左廂都指揮使孔守正習練軍旅特置龍神衛四廂都指揮使以龍

之端拱元年十月甲子置四廂步軍司有神衛左都指揮使以范廷召孔守正爲之

右廂各有都指揮使每軍有都指揮使都虞候每指

揮有都副指揮使每都有軍使副兵馬使捧日舊曰

日騎舊曰鐵騎興國二年改日騎雍熙四年改天武舊曰控鶴興

國二年改龍衛舊曰龍捷興國二年改神衛舊曰虎

捷興國二年改長編興國二年正月庚辰以美名易禁軍舊號國初張光翰虎捷左廂

題彦徽虎捷右廂部指揮使捧日四廂管舊城左廂及殿前司馬

軍天武四廂管舊城右廂及殿前司馬軍龍衛四廂

管新城左廂及馬軍司馬軍神衛四廂管新城右廂

及步軍司馬軍譚之上四軍各有左右廂各三軍

王城之兵以內政寄令立廂部之帥總車騎之左右

軍拱嚴軒陛徼循都城

周之七萃漢之八也

左右

廂起於唐本用李靖兵法諸軍各分左右廂統之自
府兵法壞京師變爲彊騎謂之禁兵諸道變爲長征
謂之鎮兵昭宗之末禁旅盡矣朱梁以方鎮建國遂
以鎮兵之制用之京師京師兵有四廂而諸軍兩廂
其廂使掌城郭煙火之事而軍旅漸有廂軍之名自
周世宗於方鎮寄招禁軍別立營部由是州郡始有
禁軍太祖作階級法專治禁軍而天下鎮兵通謂之
廂軍

張洎謂甲卒戰馬

數十萬萃京師

熙寧三年五月置左右廂

公事所以京朝官分治京城四廂從韓維之請也

紹興十三年五月甲子兵部郎錢時敏言今將享廟及郊當用仗內馬步導從之人而龍神衛上四軍未及舊額三分之一詔殿前馬軍司招填

宋朝捧日奉宸隊 紹興宿衛親兵

黃帝以師兵爲營衛周有虎賁旅賁秦置宮門屯衛漢置期門羽林後漢五營魏中領軍三營晉中衛左右衛江左鎮衛四軍宋齊領軍掌禁兵梁有五將軍扈衛唐初十二衛後置北門四軍梁置六軍爲親衛後唐置捧聖馬軍嚴衛步軍晉改爲護聖奉國周初改龍虎捷顯德置殿前諸班爲親兵取唐殿前射生

之義今有殿前指揮使內殿直散指揮散都頭散
禮候金槍班東西班內員寮直鈞容直散直外殿直
皆馬軍又有簇御馬太宗改爲御龍直復有骨朶弓
箭直皆步軍捧日隊殿前諸班也奉宸隊殿前諸直
也捧日謂君如日左右承捧之奉宸卽唐千牛衛營
嘗更是名廣朝黃麾爲近仗其後七軍儀仗又爲禁
兵今捧日奉宸二隊稱親扈鹵簿捧日隊每隊三十
十人奉宸隊分左右充禁衛興國九年二月御崇政
殿改轉諸軍將校自軍都指揮使以下員僚以上按
名籍勞績升之數日而畢先循謹能御下者武勇次

之咸平三年五月御便殿遷補千三十一人四年十月巳亥朔謂宰臣蒙正曰向於軍校超擢八九人委以方任五年四月謂樞臣周瑩曰國朝之制軍員有缺但權領之三歲一遷補乃御便殿按籍次補祥符四年八月二日詔內外禁軍軍員補轉未均今汾陰轉員宜立久遠規制 指揮使以下不別遷補皆自下而升龍衛不入捧日神衛不入天武寧朔如驍勝例二十日諭王欽若朕閱殿前諸班直名籍每班唯及三百人以下宜增置神班二人七年又詔殿帥曹瑑等詳定密院詳酌十月詔御龍諸直爲一轉員僚直

拱聖驍雲騎驍勝武騎寧朔神騎以上爲一轉水軍
神勇宣武殿司虎翼衛聖步軍虎翼奉節廣勇神射
以上爲一轉天禧元年十月諸班直諸軍分三番引
驗於崇正殿

建隆兵樣

建隆二年五月甲戌令殿司及諸州并強壯退老弱
初置剩員以處退兵三年五月帝以六師老壯不等
乃蒐強壯曰兵樣其後更爲木梃差以尺寸高下之
制謂之等杖諸州設旗給賞募之祥符中重定等杖
自五尺八寸至五尺五寸爲五等諸州部送闕下及

等者隸次軍。嘉祐二年復定等杖。自上四軍至武肅忠靖皆五尺以上。差以分寸。而視其奉錢之數。

建隆飛山營

二年二月丙寅。幸飛山營閱砲軍。

乾德驍雄雄武軍

乾德三年八月戊戌朔。詔郡國選兵之驍勇者。部送闕下。九月二日己巳。諸道藩郡長吏先奉詔於本城兵士內。選擇驍勇者相繼到闕。太祖御講武殿。親閱之中。選者萬餘人。以騎軍爲驍雄。步軍爲雄武。仍命武臣習其行陣之勢。教以申嚴之令。二軍並隸侍衛。

將軍 曾鞏曰太祖修教習之法黠老懦之兵舉國之兵纔十六萬人平五強國不知兵之少也

開寶歸聖歸化軍 水軍

開寶七年十一月泰寧軍節度使李從善部浙中及江南水軍凡千三十九人僉令黥面籍爲王師以歸聖歸化爲軍額

太平興國易禁軍號

太平興國二年正月庚辰詔改簇御馬直曰簇御龍直鐵騎曰日騎龍捷曰龍衛控鶴曰天武虎捷曰神衛骨錄子直曰御龍骨錄子直數手雄威曰雄勇龍

騎曰雄猛以美名易禁軍之舊號也雍正四年五月
 庚辰改殿前司日騎曰捧日驍猛為拱辰雄勇為神
 勇又改上鐵林為殿前司虎翼腰弩為神射步軍鐵
 林為虎翼端拱二年正月改軍頭引見司為御前忠
 佐軍頭引見司有馬步兩直雍正四年置步直端拱
 元年置馬直熙寧四年
十二月壬申詔
 撥入殿前司

建隆二年十一月改左右雄捷驍武軍為驍捷左右
 備征為雲騎左右平遠為廣捷懷德為懷順

太平興國皇城司

在右承天門內是寧本名武德司太平興國六年十

庚申辰改今名有皇城使

會要云皇城使論本

大親從親專官名籍冰井務隸焉分房四設吏士

有九及命婦朝會須冰幹辦官本三人

熙寧元年十一月一日

為額掌宮城出入禁令慶曆八年臣僚上言皇城司在

內辰為煩劇祖宗任為耳目之寄近年負數倍多並

不選擢乞止差四員選經歷有心力沉厚之人嘉祐五

年十二月詳定宮殿皇城門關防條貫政和六年十

一月詔嘉王楷提舉皇城司

中興會要提舉官一

提點二幹辦五紹興元年二月詔行在禁衛所改為

皇城司三年正月二十六日造入殿門圓號千以黃

監生徐元巨刊

入宮門方號八千以緋入皇城門圓號三千以緋紹

興十三年八月錢愐除太尉提舉皇城司引見司提

點一員幹辦三員以閣門官充掌禁衛軍入見之事

宿趨材於中壘嚴藻衛於上蘭法鉤陳壁壘之文森

玉陛千將之衛宮隅七雉實護中宸飭人門而共法

駕比夕柝以苞宸闈唐親衛城門即張方平曰國

初循周制置諸班直屬殿前司親從官屬皇城司其

宿衛之法殿外則相間設廬更為防制殿內則專用

親從為親兵親從親事官五指揮每歲換給勅號

和七年正月十八日置五指揮并中興皇城司親

且親事官增額二千五百餘人

從紹興間三千七百三十餘人至嘉泰開禧增至四千八百三十餘人續又增一千餘人 嘉定二年十一月二十六日議臣言皇城一司總率親從嚴護周匝參錯禁旅權亞殿巖漢以儒生位執戟唐以勲臣子弟備宿衛今請專以知閣御帶兼領

淳化金吾四營

淳化五年八月判左右金吾街仗魏丕以新募千餘人引對崇政殿太宗親選得五百七十人其中取身品優者三人爲等分四營營設五都都有負僚節級一如禁兵之制命田守信知右街事帝以京師浩穰

街司循警用禁軍非舊制特命左右街各置千人優以廩給使傳呼備盜至是始分營部令魏丕更召募以充其數 至道元年八月閩承翰等為金吾都監 祥符七年六月金吾引駕仗請文德殿祿稍堂仍祭饗 紹興二年三月二十八日詔街仗司以二百人為額

漢中尉即執金吾執金革禦非常 緹綺執金 環尹之 列執金為貴

咸平保毅軍 民兵

咸平四年九月庚寅命使臣往陝西點檢籍軍係稅

人戶家出丁一號曰保毅軍官給糧賜令分番守城
星遺御史吳舊與漕臣主其事五年正月巳酉舊言
尺得六萬八千七百九十五人其緣邊軍士先選中
者升爲前軍名保捷元年制置秦州五月壬寅籍河南
民丁爲兵

咸平廣捷兵

咸平五年正月甲寅置廣捷兵五指揮先是帝聞南
方以標槍旁牌爲兵器命有司製之帝即位令內侍
蕭延皓取廣德軍教習至是試於便殿悉呈其技頗
精練帝以爲可用捕賊守邊特立爲是軍仍選神威

等軍充其數六月四日以河東州兵爲神銳二十四
神虎指揮十先是命張延禧乘傳料簡萬三千餘人
立此軍訓習六年六月二十五日壬午以威虎十指
揮隸虎翼先是邊兵扞寇虎翼多勝蓋用勁弩也時
新置威虎皆材勇之士故以增之

咸平初置振武指揮

咸平五年五月丙辰命使臣分往邠寧環慶涇原儀
渭隴麟延等州於保安保毅軍與內逐處官吏選有
勇力者共二十萬人各於本州置營并爲禁軍號曰
振武指揮旣而帝曰邊防缺兵朝廷項內制置蓋不

得已也候邊鄙又寧即可消弭景德元年七月陝西
轉運司西面緣邊諸州於保毅軍內簡習成振武軍
四十指揮帝曰數年前西賊遠圍靈州諸路總管遣
人乘傳飛奏請授兵者曾無虛日當時以河東兵不
可減遂議立此兵尚慮簡闕未精冗食邊廩又累遣
使選擇所存皆少壯拳勇漸習武藝朕詢于知兵及
詳練邊事者皆云自立此軍邊聲頗振戎人知懼矣
二年五月知鎮戎軍曹韋言邊民應募爲弓箭手者
請給以閒田蠲其賦從之

至天聖六年弓箭手凡五
十四指揮七千九百餘人

九月詔并爲二指揮皇祐三年二月涇原經畧夏三
安期選弓箭手萬三千人分隸東西路上陣圖法

年七月十日令河北治振武軍營十一月罷募振武軍有願投者令隸虎翼慶曆三年正月募關中民補振武

祥符初置虎翼軍

神衛水軍

慶曆萬

勝軍

初太祖置神衛水軍以習舟師及江淮平不復用祥符六年七月詔在京諸軍內選江淮習水卒於金明池試戰棹立爲虎翼軍置營於池側其江浙淮南諸軍並令准此選卒置營

據會要時帝謂近臣曰太

朝多幸船塢製造兵棹蓋時

水路用兵時神衛諸軍立水軍以備其用及江淮已定不復振與可於江浙淮南選取習水兵士立成

揮就以此置
營故有是語

七年五月詔諸州簡兵有善水者以補

神衛水軍

慶曆二年九月壬子置福建廣東西澄

海軍各兩指揮十一月庚辰置登州澄海水軍

慶曆元年七月壬戌置萬勝軍二十指揮立神勇之
上康定初元昊反詔募神捷兵然所募雜市井之人
不足備戰守既而易名萬勝爲二十營至和三年併
爲十營治平二年併萬勝悉以爲神衛

祥符二年五月合龍騎十二營爲六六年十月合龍
猛十一營爲八 咸平五年二月壬辰以涇原環慶

騎兵之半易河北步兵

紹聖四年十二月癸卯詔

置都大兵籍具京師諸道兵數奏御別申樞府

康定鄉兵 熙寧保甲

古者寓兵於農後世寓農於兵又其後也籍農以爲兵名同而實異建隆四年正月始調關西鄉兵赴慶州咸平四年九月點陝西義兵稅戶家一丁號保毅五年八月詔河北忠烈宣勇軍選自鄉民無人可代者放還農康定元年十二月乙酉諸路籍鄉兵所籍強壯河北二十九萬河東十四萬命端明判兵部李淑及賈昌朝王洙郭稹同詳定其制先是吳遵路議復民兵詔籍河東鄉丁下其法於諸路

三月已卯遵路計置

東糧草實錄云詳
定弓手強壯通制

又命王洙同判兵部修鄉兵制度

慶曆二年二月乙未簡河北強壯勁勇刺手背爲義
勇三月乙卯又簡河東弓手武勇者爲義勇陝西弓
手爲保捷每歲九月農隙訓閱十月庚戌陝西言刺
保捷軍凡一百八十五指揮六年三月程琳請人冬
訓閱一月而罷嘉祐四年十一月二十二日大名帥
李昭亮請補河北義勇闕數自來年始河北總十八
萬九千人河東總七萬七千人陝西至治平初總十
五萬六千人治平元年十一月十四日乙亥宰臣韓
琦言唐府兵最近古今義勇河北幾十五萬河東幾

八萬稍加簡練與府兵何異陝西西事時三丁選一

爲弓手後刺爲保捷事平簡放今存無幾請刺陝西

義勇自永興河中鳳翔始

三丁選一六丁
取二刺手背

詔屯田徐

億錢公紀職方李師錫往陝西除商虢外凡刺十三

萬八千四百六十五人樞副胡宿請且刺緣邊軍諫

官司馬光論不可不從三路鄉兵唯義勇最盛後以

運糧戍邊

三年十月二十五日密院言秦隴等十二

州民俗尚武可以備邊請如環慶保毅給糧廩熙寧

元年五月二十五日樞使呂公弼請河北每指揮擇

才勇百人爲上等三年十一月命陝西立教閱賞罰

崇禎十二年分七路四年五月罷提舉官呂大忠言弓
箭手近屯田義勇近府兵擇用一焉兵屯可省

保甲之制始於熙寧二年十二月九日乙丑司農定
制先行於畿縣遂推之五路以徧于天下十家爲保
五十家爲大保十六保爲一都已未立更戌法畿內

置鼓旗則四年九月二十四日之詔義勇保甲及民
兵合七百十八萬二千二十人則九年府界諸路之
籍親閱於元豐三年五路義勇悉改爲保甲元豐四
年正月庚戌也御延和暖觀閱試四月六日也是歲
府界河北河東陝西歲費三十一萬三千一百六十

緡而團教賞一百萬緡有奇歲遣使提舉按閱元豐
後民兵日盛募兵日衰義勇保甲隸密院民兵隸兵
部五年九月辛丑也保甲五日一閱遣使徧教二路
留神按閱藝精者厚賞八年詔依義勇法歲赴縣教
閱一月十月罷提舉官以提刑兼領唯冬教三月十
一日又罷監教官元祐元年三月五日定監司按土
兵賞格行之藝祖建京師於平土謂非重兵不足以
制四海故皇城之內有諸班之兵京師
之內有禁衛之兵京城之外別營猶數十里中夜則
造朝入則奔趨營居西者必給東倉之米以遠其途
負糧兩石不得雇代以閱其力嘗謂雖京師有警皇
城之內只有精兵萬及王安石爲相思復三代民
兵制設保甲國制籍群國及旁塞之民與丁壯以
而潛消禁旅

備戰守曰義勇弓箭社保毅寨戶土丁弩手

手弓箭手敢勇蕃兵各因其方名之通謂鄉兵元祐

以降民兵亦衰

紹興六年柴斌請金均房保甲名保勝軍

大宗備兩河

之人爲鄉兵因大軍方興之威猶恐其亂乃密誠州

郡尅期一日而事畢司馬光謂康定慶曆間三路新

置鄉兵共數十萬何嘗得一人之力元祐四年范

純仁奏畿內保甲更不教閱右丞王存言京師之地

四達而平非有重山峻嶺之險金城湯池之固所以

維御四方威制夷狄爲根本之固者以營衛嚴也慶

曆治平間禁廂之籍至百餘萬新城裏外連營相望

其後論者以兵冗費廣乃議併營中外禁兵以五十
八萬爲額而京師兵籍益削於是三路添籍民兵畿
內亦置保甲四時教閱使人爲勝兵平日不費錢糧
緩急得爲武備此先帝之意也陛下卽位之初罷三
時之閱止冬間一教若遂不教卽其法遂廢

寶元二年三月乙卯閱試衛士戊午賜陝西緣邊軍
士緡錢四月丁亥募河東陝西民八粟實邊康定元
年正月詔陝西募強壯備邊二月甲午括畿內京東
西淮南陝西馬甲寅出內庫珠償民馬直四月丙戌
省陝西緣邊堡寨乙巳增補河北強壯軍六月甲辰

置陝西河北河東京東西弓手慶曆元年二月辛
丑京東西淮浙江南荆湖置宣毅軍五月癸酉闕試
衛士八月甲申括河北馬十一月壬子置涇原弓箭
手十二月甲午置陝西護塞軍二年二月乙未刺河
北義勇軍十月庚戌刺陝西保捷軍六年五月丙申
詔陝西蕃部馬紀真宗時內外兵九十一萬二
千寶元以後兵百二十五萬九千治平中兵數少損
猶百十六萬二千

慶曆兵錄 瞻邊錄 嘉祐兵數

慶曆五年丁度爲兵錄五篇宋祁爲之序曰凡軍有

四一曰禁兵殿前馬步三司隸焉卒之銳而票者克
 之處則衛鎮出則更戍二曰廂兵諸州隸焉卒之力
 而悍者募之專於服勞間亦戍更三曰役兵郡有司
 焉人知游而惰者入之業壹事專處而無更四曰
 民兵農之健而材者籍之闕者輒補歲一閱焉國家
 制兵大抵如此然兵無常帥帥無常鎮權不外假力
 不他分所以維四方瞻四夷鼓行無前也太祖內輯
 師旅而率
以節制外卑藩
 服而納以繩墨丁度傳五年四月庚戌為樞副建
 請擇河北河東陝西禁軍補禁旅之缺因上兵錄五
 卷瞻邊錄一卷慶曆元年十一月二十一日中書

密院請諸路將帥各置親兵。月特給錢二百。選武勇者。詔陝西河東諸路總管置親兵百五十人。招討鈐轄百人。招討都監等七十人。嘉祐五年。樞副歐陽修與魯公亮考天下兵數及三路屯戍多少地理遠近更爲圖籍。

志兵無常帥。帥無常師。內外相維。上下相制。等級相軋。天下百年無犬吠之警。此制兵得其道也。兵額有四。曰禁兵。廂兵。鄉兵。蕃兵。分隸殿前侍衛總管司。籍藏樞密院。由天聖至寶元間。增募諸軍。陝西蕃落廣銳。河北雲翼。京畿廣捷。虎翼。効忠。陝西河東清邊。弩

手京西江淮京湖歸遠總百餘營康定初西邊用師募神捷兵既而易名萬勝爲二十營議者欲益募土兵於是增置陝西蕃落保捷定功至嵐府州建安登州平海皆爲禁兵內外馬步凡增數百營又京東西河北河東江淮荆浙建各募宣毅大州二營小州一營凡二百八十八故慶曆中內外禁廂軍總一百二十五萬及西師罷樞使龐籍奏與中書議揀汰之法用其言省兵數萬人嘉祐七年通畧五月宰相韓琦上言願詔密院同三司量歲入金帛數約可贍兵馬幾何立爲定額仍覈見開寶至道天禧慶曆中外兵馬之

數於是詔中書樞密院同議樞密院掇祖宗已來兵數以聞蓋開寶之籍總三十七萬八千而禁兵馬步十九萬三千至道之籍總六十六萬六千而禁兵馬步三十五萬八十天禧之籍總九十一萬一千而禁軍馬步四十三萬二千慶曆之籍總一百二十五萬九千而禁軍馬步八十二萬六千視前募兵寢多自是稍加裁制以爲定額治平之兵一百十六萬二千而禁軍馬步六十六萬三千校慶曆之籍減幾十萬校開寶之籍增至七十萬二千又陝西州軍悉置壯城如何北備城壘之役蓋景祐中本城四十三萬八

千逮治平三年乃五十萬廂兵總諸州本城教閱騎軍之額四步軍之額六不教閱騎軍之額三十有五步軍之額一百九十有五元豐禁軍六十一萬餘人

慶曆五年禁軍之數比景祐以前增置八百六十餘指揮四十餘萬人八年三月甲寅學士張方平言昨

在三司計會天下財用出入之籍及建隆以來兵數太祖蓄兵不及十五萬人太宗不過四十萬人章聖備禦西北兵籍頗增祥符以後至千寶元陝西河北京東西增置保捷一百八十五指揮武衛七十四指揮宣毅一百六十四指揮江淮湖浙福建諸路又添

百二十四指揮凡內外增置禁軍約四十三
通三朝舊兵且八九十萬人其鄉軍護勇州
小分剩員等不與焉太祖收天下勁兵列營
分營於外則曰就糧者本京師之兵而廩食
聽以家往其邊防要郡須兵屯守卽遣自京
鎮之兵亦皆更戍會要建隆四年八月以
平縣降人爲効順指揮乾德二年二月名遼
曰順效懷恩三年四月改西川感化耀武等
捷九月五日蜀諸州置兵名以克寧興國八
濮州平海改崇武至道元年二月十一日殿

司選七百餘人帝閱其趨健者教以弓矢四
天武等軍子弟七百人三年九月真宗與近
防曰北有勁兵號曰驍勇無廂分主之已分

擢主兵久次爲廂虞候使兼郡符咸平三

定州等無敵忠銳定塞指揮升禁軍

馬軍雲翼

符元年二月詔步軍司閱保寧軍分四等

營毫之永城餘歸農畝或隸諸州爲剩員

四年九月宣示威平中簡郡兵充馬軍置

令在驍勝下雲騎上六年四月命沿邊補

八軍並置禁軍左右清衛指揮十

廂兵五百人奉宮觀

九年九月詔一廣湖南

合澄海四百人名忠敢秦州曹韋選牂子弩
人名定功天禧元年五月韋又選五百七十

建成指揮六月乙亥詔選天下廂軍隸禁軍

千餘人天聖元年九月四日蜀募奉節兵五

升慶州安塞爲禁兵七年四月河陰置水軍

年十一月升蕃兵爲禁軍在橫塞下康定元

五日永興軍置威捷慶曆元年十月升府州

州飛騎爲禁軍十二月密院言京東西宣毅

人赴京師改隸禁軍從之二年二月又升涇

兵秦州韓琦請罷護塞兵增置蕃兵三年五
東義勇願隸諸州就糧神虎宣毅禁軍者聽
轉運使明鎬閱同州廂軍得材武者三百餘
強弩奏爲清邊軍其後陝西河東悉置此軍
年二月詔京東選廂軍加教閱二字征役同
年五月并州韓琦請置壯城兵五百人閏七
淮荆湖新立就糧禁兵教閱忠節軍大州五
州三百人六年四月二十七日置北京作坊兵
州之鎮兵也內屬侍衛司總諸州騎兵之額
騎射威遠至忠銳招收步兵之

百八十三

武和武肅至本城定功在京諸司之軍額有五

主雜受隸宣徽院

嘉祐四年五月揚廬江寧洪潭福

越置禁軍曰威果八月京西立教閱廂軍治平二年
八月陝西置壯城兵熙寧元年十二月十一日密院
奏京東置教閱廂軍曰忠果二年正月二十三日辛

又改團結廂軍額加教閱二字淮南曰壯武江南

曰武雄荆湖曰靜江兩浙曰崇節福建曰保節四年

十二月十六日密院言諸路廂軍名額自騎射至牢

城凡二百二十三或因工作水陸運權酷或因通山

險隄堰郵傳馬牧而立宜并爲一額五年十一月杭

州置教閱捍江兵六年瀘州置寧遠武寧十月鄧州
置忠果七年九月成都置武寧八年閏四月京西置
教閱忠果十年五月都水監請立河清兵階級條例
十一月五日廢河北監教兵五千增置府界廣固保
忠元豐二年十二月唐汝州置土兵勇捷四百人五
年七月蘭州置馬軍廣銳步軍保捷各五百人十月
七日定諸路教閱廂軍名額有馬二十九無馬二百
密院官制行分隸戶兵工三部戶兵工部置籍揭貼
進冊以副上樞府元祐二年二月八日之詔也以太
師文彥博言本兵一熙寧七年正月朔頒諸班直禁軍
之府不可無籍
名額諸班自殿前指揮使至御龍弩直諸軍自捧日

至廣南澄海清化先是元年九月密院言鄜延正兵
弓箭手保毅義勇屬戶七萬九千八百三十九人近
二十六指揮計八千八百四十四人二年十月命京
東漕臣併省諸軍指揮至少者三年三月併龍猛八
指揮爲六

額三百人

十一月二十三日詔諸路併諸

指揮自是部伍齊肅無名存實闕者

本志併營在二
年通畧二年八

月康定慶曆以來諸軍間有併廢至熙寧中大整軍
額有就而合者如龍衛二十九併爲二十有以全部
附隸如併入威猛廣捷而廢宣威併入神騎而廢契
丹直有併營而增額者如宣武二十併爲十二增一

百人有易名者如驍猛以第一指揮改驍雄而廂軍
沿五代制兵額參雜復命并合五年六月以併廂軍
畢獎江東漕臣韓鐸 熙寧三年十二月己未立更

成法壬申樞密使文彥博對資政殿上在京府界并

諸路禁軍數

神宗患兵之冗親制選練之法立爲定額蓋熙寧之籍天下禁軍凡五十六萬

八千六百八十八人

上自出治平兵數參照詔殿前司虎翼除

水軍一指揮外存六十指揮各五百人爲額總三萬

四百人在京增廣勇五指揮共二千人府界定六萬

三千人京東五萬一千兩浙四千江東五千江西六

千湖南八千湖北萬二千福建四千五百二廣各千

二百川陝三路共四千四百人河北人數尚多須後
議之陝西河東京西淮南前已撥併四年十二月詔
廂軍併爲一額天下凡八百四十指揮爲兵二十二
萬七千六百而府界不與

神宗史志

兵部凡聯其

什伍而教之戰爲民兵材不中禁衛而力足以克役
爲廂軍就其鄉井募以禦盜爲土軍廂禁土軍因老
疾而裁功力之半爲剽員羗戎附屬分隸邊將爲蕃
兵皆以名數置籍而頒行其禁令樞密院有兵籍房
元豐五年改官制議者欲廢樞密歸兵部上曰祖宗
不以兵柄歸有司專命官統之互相維制於是不廢

司馬公曰諸軍分番屯緣邊及諸路使之均勞逸知艱難識戰鬥習山川皇祐格馬軍滿四百步軍五百人爲一營熙寧併營陝西馬步軍營三百二十七併爲二百七十馬軍額以三百步軍以四百人總撥併者馬步軍五百四十五營併爲三百五十京師之兵類皆撥併畿甸諸路及廂軍總會時零定以常額康定二年六月己亥王堯臣言陝西兵二十萬可戰者上十萬涇原最當要害請益兵三萬

元豐五年六月上謂輔臣曰藝祖養兵止二十三萬京師十萬餘諸道十萬餘使京師之兵足以制諸道

爾師剽無內變

皆餘年蓋因於此

嘉祐初年

太祖以兵爲衛畿內
四戰之地太祖以兵爲衛畿內
太祖言可以爲利百代者唯養兵
而無斯以兵不幸樂歲而變生

熙豐時內外禁旅合五十九萬人元豐

兵令者裁並節之類升同禁軍由是禁軍始徧天下


流寇示天下禍以強京師取太原兵以爲龍衛取

禁軍以爲武左右員寮本藩鎮廳頭也左射拱

本諸將驍兵也忠節之軍陞自川陝虎翼之軍選

官三淮皆總于三衙訓練精閑故坐制四方如臂運

指國史論祖宗故事經武聖略所列將帥凡十四人
李漢超至馮繼業自建隆二年以諸郡本城共百役
或更戍他郡不但以逸民力也所以勞苦其身使習
於南北風土之異而不得坐食於本營三司禁旅就
糧州郡亦不得常坐食於京師自列郡各置禁軍於
是嚴差出占破之令而壯城作院各置指揮由是在
京禁旅無就糧者而廂軍亦升禁軍不復戍役矣
太祖親製軍政以遺後世如南北倉請糧之制習其
筋力以戒其驕惰自押官以上各以階級相承三路
更戍之法得古人維持萬世之意若近而遠迂



必涉於艱危變故然後知其不可及甘陵之亂獨河
東戍兵閉營格閘終不少屈賊內有腹背憂天誅亟
決元豐間頒團結之法欲兵食其地習其將於是始
變更戍之制自置將官常在本營不復分番屯札駐
泊飽食安坐養成驕惰之性

熙寧將兵

熙寧七年九月樞副蔡挺請置三十七將將有正副
皆給虎符從之乃部分諸將總隸禁旅謂之將兵癸
丑選使臣爲將副河北十七府界七京東九京西四
所領兵二十萬又分置陝西諸路將兵八年三月癸

已朔五路置四十二將各七八萬人

熙河九廊延九

環慶八秦鳳五涇原十一

元豐四年二月乙丑東南

諸路兵分十三將

淮東一淮西二浙西三浙東四江

東五江西湖北湖南全邵福建廣東廣西邕州自六

至十三

總天下九十二將

東南兵三千以下唯置單

將元祐五年十月二十六日密院修將官敕書成紹

興五年四月乙卯改鑄東南十將京畿第二將紹興

銅虎符

紹興十一年四月壬辰京東淮東宣撫使

韓世忠淮西張俊並爲樞密使京西湖北岳飛爲樞

副乙未詔罷三宣撫使逐司統制官以下各帶御前

字入銜鑄印給之依舊駐劄將來調發並三省樞密院取旨統制官等各以職次高下輸入見五月庚子詔曰凡爾有衆朕親統臨肆其偏裨咸得專達辛丑正總領官之名各報發御前軍馬文字丁未遣俊飛往楚州總淮東全軍還駐鎮江

崇寧三衛

崇寧四年二月十日巳酉置三衛郎中郎博士二十六日詔三衛郎爲侍郎親衛勳衛翊衛皆有郎中郎天禧元年三月御史臺請增置常朝武官遂以慕容德琛等爲諸衛大將軍率府率 建隆元年以登州

團練使李萬超爲右武衛大將軍

建炎御營五軍

建炎元年五月丁酉命中書侍郎潘善兼御營使同知密院伯彥副之六月甲子右相李綱兼使因楊惟忠等所部爲五軍本以行幸總齊軍中之政其後遂專兵柄宥府幾無預四年六月甲戌宰相范宗尹兼知密院事罷御營使及官屬以其事歸密院爲機速房焉自慶曆後宰相不兼樞密八十餘年自此始復兼紹興三十一年上將視師冬十月庚申以楊存中爲御營宿衛使虜平復免明年孝宗卽位隆興元年

六月十二日又以御營使命之然但自名一司掌
前忠勇等軍非建炎之比也 御營使一員或二員
以宰相兼副使一員以執政兼參贊軍事以從官兼
提舉事務以大將兼其將佐有都統制統制已下官

建炎十軍

建炎元年六月二十八日詔陝西河北募兵各三萬
京東西各二萬合爲十萬創置軍號驍勝壯捷忠勇
義成龍武虎威折衝果毅定難靖邊凡十軍每號四
軍每軍二千五百人二年二月京畿至淮南募振華
軍五百人紹興五年十二月二日詔神武右軍改中

護軍

隸江東宣撫

左軍改前護軍

隸淮東宣撫

後軍

改後護軍

隸湖北襄陽招討

劉光世所部爲左護軍

淮西

吳玠所部爲右護軍

川陝

王彥所部爲前護副

軍

荆南

十年十一月十八日淮北宣撫判官劉錡招

收使臣三百人効用一千人軍八千一百以補雄威

振華忠銳十八年四月殿前司募備軍一百三十六

人二十七年三月朔步帥趙密言神衛虎翼飛山雄

武舊額三萬九千五百請募兵補其缺三十年七月

詔諸路募三衙缺額禁兵隆興元年二月荆南募武

勇効用千人十月江西募効用勝捷吐渾雄威五千

人 蘇轍曰雍熙間天下之兵僅三十萬寶元慶曆
間沿邊至七八十萬自是天下以百萬爲額 關中
兵至二十八萬強兵莫如沿邊之士人情兵莫如內
部之禁旅 呂大忠曰
邊鄙邊鄙之患輕在禦敵而重在養兵

建炎諸軍團結

建炎元年六月乙亥同知密院汪伯彥請兩河京東
西增置射士縣五百人置武尉掌之縣令領其事凡
四縣置二將江浙淮南大縣增二百人小縣二百從
之十一月辛亥增福建十二月乙酉增二廣二年五

十一萬三千劉光世四萬老弱頗衆選之可
文神武中軍楊沂中後軍巨師古皆不下萬
人而御前忠銳如崔增姚端張守忠等軍亦二萬臣
上考太祖取天下正兵不過十萬况今有兵十六七
萬何憚不爲三年十二月己酉上從容語武備曰今
養兵已二十萬有畸

紹興三年正月甲子詔御前忠銳第七將徐文以所
部屯定海縣聽沿海制置司節制

建炎民兵

建炎元年八月丁卯三省樞密院奏以諸路民兵爲

忠義巡社令憲臣提領張慤之爲戶部尚書也建言
河朔之民憤於賊虐自結巡社請依唐人澤潞步兵
山河子弟遺意聯以什伍而寓兵於農使合力抗虜
且從靖康詔旨以人數借補官資仍倣義勇增修條
下之諸路未及行會許翰與京東西路安撫大使
邦彥繼以爲言乃以忠義巡社爲名自本院參酌
其法五人爲甲五甲爲隊五隊爲部五部爲社
長五社爲一都社有正副二都社有都副總首
社共爲一千二百五十人所結及五百人以上
官有差歲冬十月按試于縣仍聽守令節制歲

中巡社增耗者守貳令尉黜陟皆有差其法精審齊
整可以久行前此論民兵者皆莫及先是六月戊子
張緯上給田募兵法後不克行時京東留守宗澤泐
大河鱗次爲壘結連兩河山水寨及陝西義士二年
二月壬午詔募河南北淮南土人有名籍者爲振華
軍以六萬人爲額五月戊戌河北制置使王彥以八
字軍屯河南 紹興五年四月戊午詔福建廣東師
臣措置團結瀕海居民爲社六月己巳罷福建諸州
係籍槍杖手自熙寧間始有之十二年五月甲辰陳
充知揚州總領節制本路諸州水寨民兵

建炎神武軍

建炎四年六月戊寅改御前五軍爲神武軍御營五軍爲神武副軍其將佐並屬樞密院八月令神武中軍選親兵通舊六百人不隸禁衛分三番於禁中直宿 紹興二年九月癸亥上謂輔臣曰朕命楊沂中治神武中軍皆宿衛兵也五月十二月庚子詔神武乃北齊軍號久欲釐正宜以行營護軍爲名十一

罷神武軍號中軍隸殿前司

乾道二年七月二十三日四川棟護

衛兵隸殿前名神武軍神武中軍舊止三部自楊沂中職殿巖始增爲五軍又置護聖踏白選鋒策選

洪亮神勇馬步凡十二軍時江海之間盜賊間作分
置諸軍控制之如泉之左翼贛之右翼循之摧鋒明
之水軍皆隸本司總七萬餘人殿前兵籍爲天下冠
紹興二十九年又置破敵軍

自興國幽薊之師而

兵籍日增康定慶曆間廣置義勇保捷宣毅萬勝諸
軍其數一百二十五萬仰視開寶之籍不啻四倍雖
龐籍汰省八萬人豈能救冗兵之害善乎韓琦之言
曰祖宗雖以兵定天下然有征伐則募置事已則省
故兵精而用不廣又就糧之兵不多邊陲有事則以
京師之兵益之乾道中訓練兩浙弓兵名御前神武

皇清卷百三十九
三百七十四
軍而殿前已有神武軍額八年二月二十二日改爲忠武

建炎纂祖宗兵制

建炎四年七月詔王銍權密院編修纂集祖宗兵制其後書成上覽之稱善賜名樞庭備檢

陸傳良曰國初州郡無禁兵者在令甲自騎射至牢城名額二百二十三總爲本城而已禁兵皆三司之卒分屯更戍今屯駐泊之名而鈐轄都監監押之官所部領也三邊之兵間因事宜升爲禁軍者所謂四十四處禁軍是已是爲就糧自元昊叛而西北有

保毅王倫起而東南有宣毅於是列郡稍置禁軍至嘉祐中置威果凡二十五指揮既云多矣亦無過九大郡要害之處熙寧按天下廂軍之籍五十萬人而不知戰於是教閱之法起其後以廂軍團併爲額今兩浙崇節福建保節之類是已教閱之兵因別爲額而緣之將下今兩浙雄節福建廣節之類是已方戍法之行也三司禁旅轉徙於四方而州郡廂軍大抵以供百役蓋勞之則易使散之則易養此藝祖神謀也自州郡各有禁軍三司之卒不出常坐食於京師於是養兵始爲大患

紹興都統制兵 御前軍

唐天寶末置天下兵馬大元帥都統朔方盧龍節度都統之名始于此乾元元年李巨爲都統淮南江東西節度使都統之官始于此唐制或總五道或總三道又有行營都統副都統一時兵興稱謂不一建炎元年五月以河北兵爲御營五軍三年四月又更置御前五軍而劉光世所領西兵則謂之巡衛軍在五軍之外是歲又改爲神武軍紹興元年十二月又改爲行營四護軍十一年四月三宣撫司罷乙未乃改其部曲稱某州駐劄御前諸軍十八年五月甲申罷

四川宣撫司川陝軍亦如之楊政改充御前都統制其軍皆不隸三衙

詳見官制

韓世忠之軍還鎮江惟

背蒐一軍赴行在渡江後諸將爲統制軍馬必以資序帶六等兵馬 淳熙十一年樞臣周必大以荆鄂二帥勢均力敵乃合爲一司鄂爲正荆爲副嘉定戊辰改雄淮軍爲武定 乾道六年正月詔殿司水軍改爲御前水軍

都統駐劄之地沔州興元金川江陵鄂州池州江州鎮江建康平江許浦

水軍

又利州有副都統制廬州

強勇軍光州武定軍高郵武鋒軍

四月五日劉錡言行營前護副軍并爲十二將曰侍衛馬軍司 紹興五年十二月庚戌廢神武中軍隸殿司以楊沂中主管殿司又以都督府兵分隸三衛七年四月丙申復合馬司餘軍及八字軍爲六軍十二將命劉錡主之而解潛典步軍如故自是三衛始復矣八年九月馬軍每十將爲五軍九年三月改衛兵爲游奕軍始令殿前立神勇步兵一軍三十二年隸步軍六月二十七日成閔請復還殿司名護聖步軍以吳拱所領二千赴步軍司隆興二年三月二十八日詔忠勇軍屬步軍司七月十二日詔馬司龍衛

驍勇武騎舊額一萬三千八百人今止八百八十九
人宜以二千人爲額乾道二年四月鎮江武鋒軍隸
步司八年三月八日以西兵爲御前游奕軍孝宗又
爲護聖
一軍寓陰相維持之意 馬步
之數通一萬四千七百有奇也

紹興宿衛親兵

建炎四年八月三日中軍選親兵通舊爲六百人分
三番紹興二年八月己亥十二日給事胡安國言自古
盛王雖用文德必有親兵成王卽政周公指虎賁與
常伯同成于王欲其知恤虎賁猶今侍衛親軍也康
王初立太保俾呂伋以虎賁百人迎於南門伋太公

之子自諸侯入典親兵猶今殿前馬步軍都帥也本

朝命三衙分掌親軍望修明軍政九月六日

癸亥上

曰朕命沂中治神武中軍皆宿衛兵宜增修器械五
年十二月一日罷神武軍號中軍軍隸殿前司

三年

八月十七日宮門內殿門外建三衙管軍宿舍

凡三

楹六年正月趙鼎奏舊制三衙用邊臣戚里及軍班

出身各一人以示激勸七年七月五日密院言諸班

直禁旅舊額三千六百餘人今止五百餘人十二年

十二月二十四日

壬午

詔宿衛親兵非祖宗法罷之

其二路人改爲皇城司親從親事先是揚沂中提舉

宿衛親兵二年三月巳酉除中軍統制兼

紹興制勝軍

三十二年十二月

孝宗未
改元

鎮江都統劉寶言昨罷宣

司背蒐一軍請置一軍補填以制勝軍爲名詔令招
効用兵一千人餘二千人選於步軍

紹興荆鄂民兵

紹興三十一年虜入寇詔淮漢等郡籍民爲兵續感
守荆南請籍民爲義勇其法取於主戶之雙丁十戶爲
爲甲五甲爲團皆有長又擇邑豪爲總首農隙教以
武事官給其糧至乾道間舉七縣之籍得義勇八千

四百十九人淳熙初張拭爲帥益修其政義勇增多至萬五百人分爲五軍軍分五部後四年趙雄又增三千三百人時十一年冬通爲萬三千八百餘人又紹興末武呂令薛季宣亦求得故陝西河北弓箭手保甲法五家爲保二保爲甲六甲爲隊據地形利便則爲總不限以鄉總皆副總首領焉諸總皆有射圃而旗幟亦別其色至今猶存紹熙四年冬凡萬五千二百一人荆鄂二郡率四五家有一人爲兵

隆興復環衛

隆興二年五月八日壬辰進呈洪适周操討論環衛

官故事。湯思退奏環衛。唐時有職事。本朝無職事。祖宗舊制。自方鎮罷。皆歸環衛。先是上欲復祖宗環衛官。四月二十六日。命學士院討論。至是下詔曰。祖宗選用將帥。以崇武節。外建方鎮。內則環尹。品式備具。近來久不除授。非所以儲才而均任也。其依舊制。應以才畧聞者。令兼領。如節度使。則領左右金吾衛上將軍。承宣使。領左右衛上將軍之類。旣而閣門條具儀制。詔以十員爲額。朝參侍殿。依御帶例。宗室不在此制。仍不差戚里。及非戰功人。著爲令。二十五日。詔臨安府建第舍。以待環衛。 淳熙四年二月二十三

日立環衛官格其法正任除上將軍承宣使至刺史
為正任遙郡除大將軍以階官領刺史至承宣使為
遙郡正使除將軍武翼大夫已上副使除中即將武
翼即已上使臣已下左右即將訓武即已下是時李
顯忠首除左金吾衛上將軍上曰在內則兼在外則
否此正如文臣館閣庶可見人才

太平興國二年五月癸亥安遠節度使向拱換左衛
上將軍張永德等皆罷節制環衛元豐二年十六
衛大將軍二百九十四員將軍一百六十二員並宗
室乾道八年四月以戚世明軍政修除右千牛將

軍令訓練土兵姚公贊右監門中郎將

乾道民兵 神勁軍

乾道元年十二月十四日詔湖北保伍軍器仍存之
八年十月十二日淮南漕臣馮忠嘉言教閱保甲民
兵請如淮東三丁四丁取一五丁六丁取二真州無
為二司分領教閱四年正月五日湖北王炎言荆南
團結義勇民兵八千四百十九人給資糧假弓弩二
十七日四川宣撫虞允文言興元路義士人材可用
令晁公武訪陝西弓箭手舊法得之瀘州蓋祖宗朝
所頒凡一百四十一條分十三門為一書令錄上 義

士勅令格式名曰義士專法行之五年三月十二日

允文言興元洋州大安軍義士二萬六千一百四十

人結成隊伍

興洋在紹興初義士在籍者七萬後僅存六千今公武籍興元之丁增至一萬

六千四百三十四人風聲氣俗傳陝服之舊安於弓箭手之良法

七年正月十七日

宣撫王炎言關外成西和鳳州有忠勇軍舊保甲也請依十資格轉補

淮南萬弩營經始於紹興季年乾道五年十一月一日復置名曰神勁軍命御前後軍統領教閱置寨千儀真募萬弩手以本軍忠勇使効爲名淮東之籍千四百淮西之籍千六百六年二月真州置神勁營寨

收萬弩手一千五百九十七人往者大將別置一軍
曰背蒐乃親軍之稱九年十一月十五日馬帥趙樽
以所領五軍騎步各一千人爲親隨選鋒軍詔可

紹興末孝宗命張浚置御前萬弩營於建康癸未戊
泗州甲申與虜鬪皆有功乙酉講解散歸其家乾道

中令徐子寅復置於真州

冠帶羣胡詭勺世讎畏戰
靡靡明主所憂 阜陵之

成規宿師於內郡
而移戍於邊城

淮西山水寨民兵乾道五年九

月二十四日詔參議官許子中措置荆門民兵紹

興三十一年荆門守臣姚岳籍民兵置槍杖號強壯

子弟號令齊一

湖南飛虎軍淳熙七年八月置隸

步軍司以一千五百人爲額

治平間於廣東潮循惠等州置槍手熙寧間於諸

州缺兵處增置保若廣西邕州之峒丁本以防邊

交趾而欽廉宜融平觀諸郡各有土丁欽廉之沿海

宜融之防過率以三等戶五丁取一至四等已下則

戶以一丁充團結平觀則團結父子全丁並蠲其身

丁稅錢紹興二年許中帥廣西始請羈縻州峒丁赴

靜江防拓先是建炎元年十月庚辰命李棫提舉廣

西左右兩江峒丁三年命廣西提舉峒丁李棫卽邕

州置司買馬七月乙巳命江西閩廣荆湖團揀槍杖

手峒丁以備調發 廣西自嘉祐間憲臣李師中帥
臣余靖奏團結訓練土丁以備邊熙寧紹聖大觀以
來修為成法每歲農隙分之州縣更番教閱一月而
罷庶幾寓兵於農之意

乾道兵額 忠銳軍 忠武忠勇軍

乾道三衙江上四川大軍新額總四十二萬八千人

殿司七萬三千人 元年七月十三日旨 馬司三萬人

二年正月二十六日詔以二萬八千人為額六年正

月十五增二千人 步司二萬一千人 二年正月二十

六日旨建康 統司五萬人池州一萬二千人 二年

二月二日旨鎮江四萬七千人 二年十一月十一日

旨江州一萬人 四年十一月四日定楚州武鋒軍一

萬一千人 九年四月十五日郭均招填平江許浦水

軍七千人 二年十月十三日旨鄂州四萬九千人 二

年十月九日旨後又增至五萬二千人 荆南二萬人

二年十一月四日旨興州六萬人興元一萬七千人

金州一萬一千人 並三年正月二十四日旨

乾道四年六月一日詔諸州弓弩手團集教閱名忠

銳軍五年正月十一日詔浙東弓弩手各御前忠銳

軍置正副準備將 二年罷忠銳第五將九年六月二

日發忠銳軍歸本郡

六年七月二十三日復置御前

弓馬子弟所隸密院八年春二月二十二日置忠武

軍選二浙土兵弓手爲之八月一日詔二浙揀中廂

軍名曰御前忠勇軍

劉沂兼統制

十一月十六日罷

二浙所發忠勇軍九年四月十五日密院言忠武軍

藝以精歸之州縣

天之壁壘象在羽林王之爪牙職於圻父 太微諸

星有上將次將之位 章溝微道晝警夜譙而殿岩

以肅旄頭驅先旗別隊分而鹵簿以整冠鵬衣虎鍬

戟百重而仗儀以煥兕臣彪將供設職嚴章佩銀黃
綬紆紫朱